

MBEWU YA NYOKA

 Xikwembu lexi rhandzekaka, Xikwembu lexikulu xa matimba hinkwawo, Wena u vumbeke swilo hinkwaswo hi matimba ya Moya wa Wena; kutani u tisile Yesu Kreste, N'wana wa Wena la nga tswariwa a ri swakwe, Loyi hi ku ntshuxeka a hi feleke hina vadyohi, wo Lulama eka loyi a nga lulamangiki, ku hi kutsula niku hi tlherisela endzhaku eka xinakulobye lexikulu lexi a hi ri na xona na Xikwembu. Tani hilaha hi dyondzisiweke eRitweni leri katekisiweke, leswaku a hi ri na xinakulobye na Yena ku nga si va na masungulo ya misava. "Loko tineyeleti ta na mixo ti yimbelerile kun'we, na vona vana va Xikwembu va huwelela hi ntsako, endzhaku ku nga si va na masungulo ya misava." Hi switiva njhani leswaku a wu ngari wona nkarhi wa ku dlayiwa ka Xinyimpfana; kwalaho loko Xikwembu, eka ku ehleketa ka Xona loku kulu, xi hi vonile loko hi ri eku huweleleni nale ntsakweni wa ku ponisiwa ka hina ha Yesu!

² Kutani, emadyambyini lawa, hi na ku ringa kwaloko ka Vukwembu lebyi kwetsimaka lebyi byi nga ta hlavuteriwa eka ku Vuya ka Yena ra vumbirhi. Mavabyi hinkwawo na maxangu swi ta hundza. Kutani hi tava na miri wo fana na Wa Yena miri lowu wu dzunekaka, hikuva hi ta n'wi vonisa leswi Yena a nga Xiswona. Lahawani tani hiloko hi vona mavoko ya hina lama vuneke, misisi ya hina yi va ya timpfi, na makatla lawa ya vuyelelaka ndhawu yin'we, ha swi lemuka leswaku hi va boli ni kuva hi kongomile eritshurini laha tinhloko ta hina ti ku korhameleke sweswi, kutani laha hi humaka kona. Kambe, Hosi Xikwembu, ntsena tani hi laha u tiyisisaka leswaku Wena u Xikwembu, U endlile xitshembhiso xa leswaku hi ta tlhela hi pfuxiwa nakambe emasikwini ya makumu, kutani ha swi pfumela.

³ Hi ku xixima ha yima na ripfumelo ra hina vusiku lebyi eka Vukona bya Wena, hi ta hi vunhenha hikokwalaho ka Yesu a nga hi hlulela ku swi endla. Ku ngari ehenhlemi ka swin'wana swa kahle leswi hi swi endleke, hikuva a hi endlanga nchumu leswinene; kambe hi ta hi ku titsongahata, hi ku vula leswaku hi lawula rifuwo leri hikokwalaho ka tintswalo ta Yena leti ti longoloxiweke eka hina. Swingaleswi, hi ta hi ri karhi hi ri eku kombeleni leswaku U hi katekisa vusiku lebyi eku tisiweni ka Rito. Hikuva ku tsariwile, leswaku, "Munhu a ngaka a nga hanyi hi vuswa ntsena, kambe hi Rito rin'wana na rin'wana leri humaka enon'weni wa Xikwembu." Kutani hi pfumelela nomo wa Xikwembu wu vulavula emadyambyini lawa. Hi pfumelela marito ma humela ehandle, leswaku Ri nga ha ya endzeni

ka timbilu ta hina, vayingiseri, kutani hi tatiwa hi Moya wa Wena na Vukona bya Wena. Ha swi kombela hi Vito ra Yesu. Amen.

⁴ Na—namunthla na tolo, vusiku bya tolo, kumbexana, na namunthla, a hi vulavula hi dyondzo ley, xosungula, hi ku yi kongoma, *Hikokwalaho Ka Yini Hi Nga Ri Kereke Ya Vito*. Kutani kumbexani hi yi endle yi va ley yi tiyeke, hikokwalaho ka yini hi ngari kereke ya vito, na kuva hi nga pfumeli eka tikereke leti ta mavito. Hikuva, hi swi kuma eBibeleni, leswaku tikereke ta mavito a hi ta Xikwembu; ti hlawule hi javulosis; swi tlhela swi khorwisiwa hi Bibe. Ni hilaha, hi tidinominexini, ti tisaka xihoxo ha kona. Sweswi hi vula leswi hi ku lulamisa na ku tisa tabernakele ley eka xinakulobye xa Rito leri katekisiweke ra Xikwembu. Leswaku, ku tshembha ka hina a ku akiwanga eka leswi dinominexini yi swivulaka, kumbe leswi munhu un'wana na un'wana a swi vulaka; ku akiwile ehenhla ka leswi Hosi Xikwembu xi swi vulaka. Kutani yaleyo yo va ndlela yi ri yoxe ley hi nga lulamisekaka kahle.

⁵ Kutani emixweni lowu, ndzi na ntlhanu, ndza pfumela, wa ti atikili to hambanana leti humaka eka dinominexini, leti hi kuhetiseka swoka swi nga vuriwanga eBibeleni, leswaku tikereke ta Protestant ta swi khizamela, na kuva va swi dyondzisa swi va dyondzo; yo fana ni ya manana wa khale wa muoswi, ley i kereke ya Khatholiki yi yi chumayelaka, kutani yi huma yi ya eka kereke ya Protestant. Kutani hi khizamela nchumu wun'we lowu wu hambanaka ni hinkwako eRitweni ra Xikwembu.

⁶ Kereke yo sungula ya vito, hi yi langutile na ndzhenga eka matimu ya vatatana va le Nicene, ya kereke ya Nicene. Endzhaku ka rifu ra vaapostola, kwalahaya hilaha ku humaka Nicene ya vatatana, kutani va yile emahlweni malembe yo hlaya. Madzana nharhu na makume mbirhi-ntlhanu wa malembe, ekuheteleleni va fikile e—eNicaea, France, laha a va ri na—na khansele leyikulu ya Nicene. Kutani kwalahaya hilaha va nga vumba milawu ya kereke ley i kereke ya Khatholiki yi nga na yona sweswi, nakona yi nyiketiwa eka Maprotestant.

⁷ Kutani tani hiloko ndzi swi vurile eka—eka ku dyondzisa emixweni lowu, “Kereke yin'wana na yin'wana ya tinguva leti, ku ya ehenhla eka yaleyo—eka yaleyo nguva ya kereke ya Thesalonika, eka khume ntlhanu wa madzana ya malembe ya tinguva ta munyama, a ku ngari na nkarhi handle ka leswi Yena a swi vuleke, ‘Ma ha ri na Vito ra Mina.’”

⁸ Kutani eka tlhelo lerin'wana, a va nga ha ri eka Kreste na kambe, a va huma eka vito ra xidinominexini, “Khatholiki, Luther, Wesley, Baptist, Presbyterian, Pentekostal,” ku ya ehansi.

⁹ Kambe loko ku nga si pfariwa nguva, U teri, “Ndzi vekile emahlweni ka wena rivanti leri pfulekeke.” Wa vona? Kutani

yaleyo i nguva leyи hi pfumelaka leswaku hi le ka yona sweswi, nguva ya ku pfuleka ka rivanti, exikarhi ka ku huma ko hetelela ka kereke ya Laodekia.

¹⁰ Kutani i madzana manharhu na makume mbirhi-ntlhanu wa malembe eka khansele ya Laodekia. Kutani kwalahaya hilaha va tekeleleke mikhuvu yo fana na ku haxa, ku chela, na minkhuvulo ya mavunwa, na moyo lowo kwetsima wa mavunwa, na hinkwaswo swilo leswi. Va swi tekelerile.

¹¹ Kutani loko Luther, tani hiloko a ri muprista, a ta a huma eka kereke ya Khatholiki, u nghanile na swona swilo leswi eka yona. Kutani lahaya ku ta Zwingli, endzhaku ka Zwingli ku ta Calvin, endzhaku ka Calvin ku ta Wesley endzhaku, oho, ku ya ehansi. Kutani a va tshamela ro tisa milawu leyи ya tikereke ku ya ehansi. Kutani Xikwembu xi nga rhangela njhani Kereke ya Xona, loko va landzelela tindlela leti Xona xi nga tinyikangiki leswaku va famba ha tona?

¹² Kutani tsundzukani, eka Nhlavutelo 17, hi kuma “wansati.” Sweswi marito lama ya le rivaleni. Matsariwile eBibeleni, swingaleswi ndza vhumbha leswaku ndzi nga ha ma vula. Ya ri wansati loyi i “muoswi.” Leswi swi vulaka leswaku wansati loyi a vabya vuvabyi bya xidumo; laha a fanele a tekiwile hi nuna wa yena, kutani a endla vumbhisa na misava. Kutani u vile na... Kutani hi yena “MANANA WA SWIOSWI,” swingaleswi u na vana va vanhwenyana. Kutani hi swi pfapfarhutile hi xitivo-mbangu sweswo, kuva endzeni... Ni kwalahaya, hi vumina, ndzi swi vona eMatsalweni, hi ku vona tidyondzo na swin’wana na swin’wana, ndzi pfumela leswaku Hosi yi swi vekile elayinini, leswaku sweswo a swi ngevi nchumu wun’wana handle ka kereke ya Khatholiki. Yo va ndlela yin’we ntsena leswi swi nga vaka xiswona ha yona. Kutani u tsvarile yini? Tikereke ta Tiprotestant. Hakunene, u swi endlile.

¹³ Kutani u na xinwelo xa wayeni ya vumbhisa bya yena evokweni ra yena, kutani a ri eku yi nyikeni ka tihosи ta misava. Kutani hi yena mufumi wa misava hinkwayo, hi ku vulavula ka ximoya. Kutani sweswo hi swona. A kuna un’wana...

¹⁴ Langutani, a hi, hi nga ha tlhelela endzhaku eka Daniel hi ya kuma xivumbeko. A hi languteni eka xivumbeko: nhloko ya nsuku, i mfumo wa Babilona; brasi... kumbe silivhere, i wa va Meda na Persia; brasi, i Alexander the Great, na kuya emahlweni, mfumo wa Griki; ku landzela mfumo wa Rhoma, Evuxeni nale Vupela-dyambu bya Rhoma, laha ku nga milenge yimbirhi.

¹⁵ Kutani xiyisisani eka mimfumo leyи ya khume, laha yi taka na timhondzo ta khume leti a hi vulavula hi tona emixweni wa namuntlha, eka wun’wana na wun’wana wa mimfumu leyи ya khume leyи a yi ta pfuka, ku na nsimbhi na vumba leswi nga pfanganyisiwa kun’we. Kutani nsimbhi yaleyo yi huma

kusuka emilengeni, laha ku nga Rhoma. Kutani ku na ku tota ka mavalalava ya xi Rhoma loku ku pfanganyeke na rixaka lahaya leri ri nga ehansi ka Matilo, hi kereke ya Khatholiki. Sweswo hi swona hakunene. Kutani a swi nga hlangani, hinkwako.

¹⁶ Kutani va tekanile, un'wana eka un'wana. Bibebe yi teri va swi endlile. Kutani va languteni namuntlha. Jaha ra wena ri famba na nhwana wa Mukhatholiki; loko va tekana, va fanele kuva na xitshembhiso xo kurisa vana hi xi Khatholiki; wa vona, swi fambisa xisweswo. Wa vona, sweswo i ku tshova matimba ya un'wana.

¹⁷ Kambe i yini sweswo? Bibebe yi vula leswaku hinkwaswo i vuoswi. Sweswi mi ya eku endleni ka yini? Sweswo hi swona. Nakona swidyoho swa vanhu swi ta endzeriwa njhani... Hi tlhelela endzhaku eka Deuteronomia, kutani hi kombeta n'wana wa xihunguki, n'wana loyi a tswariweke hi ndlela ya vuoswi, a ngaka a nga ngheni hambi kuri ku nghena eka nhlengeletano ya Hosi ku ringana rixaka ra vukhume mune. Sweswo swi le hansi ka nawu. Nakona Kreste u tile ku ta hetisia nawu. Yi tarise ku yini sweswi?

¹⁸ Nakona ku humeleta yini eka leswi, ku humeleta yini namuntlha eka va lengalengi lava ntsongo exitarateni, vavasati lavantsongo va ku dzaha mafole, va ku ambala swo koma, va lengalengi na misisi leyi ntsongo leyi bobeweke, na kuya emahlweni? Xana ku humeleta yini ha swona? Swi hi kokwalaho ka manana wa vona a nga ni maendlelo ya lawa. Bya tlulela, vubihi, kusuka eka rixaka rin'wana ku ya eka rin'wana. Sweswo hi leswi swi nga xiswona. Kutani xana hi na yini? Hi kumeka endhawini, ntsena ku hlengeletana loku ku nga riki ka nchumu handle ka vudyoho bya thyaka.

¹⁹ Xexo hi xona xivangelo xa kuva Xikwembu xi pfuxile Russia, halahaya, na bomo ya athomiki yo n'wi hlantswa a suka, tani hi nkhukhulu wa ndhambhi hilaha a wu ri hakona, loko Xi tava xi pfuxile mapapa. Hakunene, Xi swi endlile. Na Bibebe yi vula tano. Russia, tiko leri nga pfumeriki tani hilaha va nga xiswona, lava nga pfumeriki, hi kuhetiseka ri tlangela emavokweni ya Xikwembu xa Matimba hinkwawo. Ntsena ku fana na Hosi Nebukadnetsara a fanele ku herisa Israel hikokwalaho ka ku hluleka ku famba na Xikwembu, Russia ri le ku pfukeleni ka “ku rihisela eka vakwetsimi,” va kereke ya Khatholiki, eka ngati leyи nga halaka ya vakwetsimi. Bibebe yi vula tano. Ri ya eku tekeni ka nchumu hinkwawo.

²⁰ Swingaleswi langutani lahawani, loko mana wa vona a ri nhwana wo suma tikhorasi, na kokwana wa vona wa xisati, na mana wa yena a ri la lengalengaka, xana u njhani namuntlha? ‘Rock-and-roll’ yo hluvula. Xana vana va yena va tava njhani?

Kutani mi ri, “Xana Xikwembu xa swi endla sweswo xana?” Ina, nkulukumba.

²¹ Xikwembu xi endzela vubihi bya vana, va rixaka, hambi kuri ku yisa eka rixaka ra vukhume mune. Kutani loko Kreste a ta ku ta ri kurisa, hi ri, "Rixaka ra vudzana, kumbe rixaka ra vuntlhanu wa madzana." Hikokwalaho ka yini, U teri, "Vona va khale, mi va twile loko va ku, vona lava va minkarhi ya khale, 'U nga tshuki u dlaya.' Ndzi ri, 'Eka n'wina, loyi a vengaka makwavo wa yena, ku ri hava xivangelo, u va a n'wi dlayile.' Mi va twile loko va ku, vona va minkarhi ya khale, 'U nga tshuki u oswa.' Kambe Ndzi ri loyi a langutaka wansati hi ku n'wi navela, u n'wi oswile." U swi endlile...Xana i yini ku kurisa? Ku ti ndlandlamuxa hi minkarhi yo tala. Kutani loko swi ri ehansi ka nawu a swi ri rixaka ra vukhume mune, xana swi nga teka nkarhi wo tani hikwihi leswaku swi fana namunthla?

²² Na vavanuna lava ntsongo, na vavanuna vale xikarhi, na vavanuna lava tekeke a va ha ri na ku xixima eka ku hlambanyela ka vukati bya vona. Hikokwalaho ka yini, ntsena va titekela vavasati va hanya na vona kun'wana na kun'wana, ku fana na timbyana ta ntolovel. Timbyana ti na xichavo xo antswa na mikhua yo antswa kutlula vanhu van'wana hi laha va nga xiswona. Nakona ndza swi tiva sweswo leswaku swi chavisa ngopfu, kambe hi swona sweswo.

²³ Hikokwalaho ka yini? Kutani tikereke ti ya ti nga ha vuli nchumu hi swona. Hikokwalaho ka yini? Ti endla hilaha mana wa tona a endlaka ha kona. Tikereke ti swi tekelerile. Xivangelo, tikereke na kereke leyi ya Protestant ti huma eka kereke ya Khatholiki, swidyoho swa kereke ya Khatholiki swi tlulerile Maprotestants. Hakunene, swi tano, swingaleswi poto a ri nge swikoti ku byela ketlele leswaku yi "thyakile." I ntiyiso hakunene.

²⁴ Sweswi ha swi kuma, kutani eMatsalweni, hi kuma leswaku...Nakona a ndzi xi vonanga xitiviso etafulemi madyambu lawa. Ndzi ku, "Ndzi kombeni ndhawu yin'we laha Xikwembu xi nga tshama xi xixima kereke ya vito. Ndzi kombeni ndhawu yin'we laha Xikwembu xi nga tshama xi xixima xichumayeri xa wansati. Ndzi kombeni ndhawu yin'we laha Xikwembu xi nga tshama xi xixima ku haxa hi mati. Ndzi kombeni ndhawu yin'we laha Xikwembu xi nga tshama xi xixima hi ku chela hi mati. Ndzi kombeni ndhawu yin'we laha Xikwembu xi nga tshama xi va na un'we loyi a nga tshama a khuvula hi vito ra 'Tatana, N'wana, Moya lowo Kwetsima.' Swi laveni swilo leswi." Kutani hambi swi ri tano hi ya emahlweni na ku swi endla. Swi kwalahaya ekerekeli.

²⁵ Sweswi, ndzi teri, "Hi ndlela ya n'wina ya xivangelo xa kuva hi ngari Mabaptist, hikuva hi pfumela eka vona kuva va khuvurile hi Vito ra Hosi Yesu Kreste. Ku hava na un'we loyi a nga tshama a va kona, eBibeleni, a nga khuvula hi ndlela yin'wana. N'wina ndzi kombeni ndhawu yin'we ntsena laha

munhu un'we a khuvuriweke hi vito ra ‘Tatana, N’wana, Moya lowo Kwetsima,’ ndzi ta yimisa mavoko ya mina ndzi ku ndzi muprofeta wa mavunwa.”

²⁶ “Kutani loko Bibele yi ku mi fanele ku ‘khuvuriwa hi Vito ra Yesu Kreste,’ sweswo swivula leswaku mi boheka ku swi endla hi ndlela yaleyo. Paul u va lerisile ku tlhela va khuvuriwa na kambe. A swi na mhaka ni leswaku a va khuvuriwe njhani, va fanele ku ta, va ta khuvuriwa nakambe. A va khuvuriwile hi munhu un'we loyi a nga khuvula Yesu Kreste; a nga Yohana Mukhuvuri. U teri, ‘Sweswo swi ngaka swi nga ha tirhi nakambe. Mi fanele ku ta, mi ta khuvuriwa nakambe.’ Kutani a va fanele ku swi endla va nga si amukela Moya lowo Kwetsima. A kuri nongonoko wa Xikwembu.”

²⁷ Ntsena ndzi nga ha nghena hi vuenti ku tlula sweswo, madyambu lawa. Hikokwalaho ka yini? Yesu u hlayisa Rito ra Yena. Ma swi pfumela sweswo xana? Sweswi, swikahle nyana hikuva hinkwerhu ka n’wina a mi ri kona na mixo, kambe ndzi lava ku engetela swintsongo nyana eka sweswo.

²⁸ Hikokwalaho ka yini Paul a lerisi- . . . endzhaku ka xileriso xexo loko xi endliwile? Paul u teri, “Niloko ku nga ta Ntsumi yi huma eTilweni yi ta chumayela swin’wana, a yi rhukaniwi.”

²⁹ Sweswi mi ri, “Hi na Rivoni leri ntshwa eka swona.” Ee, a mi na rona. Lero hi leri javulosi a nga ya na rona eka Evha, Rivoni rin’wana leri ntshwa. A mi kali mi lava Rivoni ri ntshwa. Mi fanele ku famba eka Rivoni leri Xikwembu xi nga mi vekela rona lahwani, hi swona hinkwaswo sweswo.

³⁰ Sweswi langutani leswi, hilaha swi nga olova ha kona. Loko va vuya eka Ntshava ya Nkwetsimo, Yesu u teri, eka vadyondzisiwa va Yena, “Xana vanhu va ri Ndzi N’wana mani?”

“Van’wana va ri hi Wena ‘Muxe, kumbe Elias, un’wana wa vaprofeta.’”

Yena a ku, “N’wina mi ri Ndzi mani?”

³¹ A ku, Petro a ku, “Hi Wena Kreste, N’wana wa Xikwembu lexi hanyaka.”

³² A ku, “U katekile wena, Simon, n’wana wa Yonas; hikuva a hi nyama na ngati leswi swi ku hlavuteleke.” Wa vona, a swi ti hi tiseminara. A swi ti hi tikereke ta mavito. “A hi nyama na ngati leswi ku hlavuteleke. A wu kalanga u swi dyondza eka xikolo xa ntivo-vukhongeri. Kambe Tatana wa Mina, loyi a nga Matilweni, hi yena a ku hlavuteleke leswi. Kutani ehenhleni ka ribye leri Ndzi ta aka Kereke ya Mina; kutani tinyangwa ta tihelle a ti nge yi hluli kulwisana na yona,” nhlavutelo wa ximoya wa leswi Yena A nga xi swona.

³³ Xiyisisani, “Kutani Ndzi ri eka wena hi leswaku i Petro. Kutani Ndzi ta ku nyika swikhiya swa Mfumo. Xin’wana na xin’wana lexi u nga ta xiboha emisaveni, Ndzi ta xi boha

eTilweni; lexi u nga ta xitshunxa emisaveni, Ndzi ta xitshunxa eTilweni." Sweswi, A fanerile ku hlayisa Rito ra Yena kumbe A ngari Xikwembu. Sweswi, kutani loko A tava a swi endlile sweswo, endzhaku ka masiku nyana; U vambiwile, a tlhela a pfuka, a tlhandlukela ehenhla eTilweni, kutani Petro a pfula Evhangeli hi Siku ra Pentekosta. Xana a nga swi endlaka xana? Yena, hakunene, u swi endlile. Sweswi langutani, loko a swi endlile . . .

³⁴ Hinkwavo a va ri eku va tseketseleni, hikokwalaho ka kuva va tatiwile hi Moya. Va vitaniwile "vahehli, vavumbuluki va vakwetsimi," kumbe muxaka wun'wana wa vito ro fana na lero. Kutani va hlekiwile hambi kuri ku hlekiwa, va ku, "Lava va xurhe hi vhinyo leyi ntshwa."

³⁵ Kutani Petro a yima exikarhini ka vona, a tlakusela rito ra yena ehenhla, hiloko a ku, "Vavanuna ni vamakwerhu, yingisani rito ra mina. Yingisani marito ya mina kutani mi ndzi yingisela. Leswi a hi ku dakiwa tani hilaha miehleketaka ha kona; leyi yo va awara ya vunharhu ya siku. Kambe leswi hi leswi vuriweke hi muprofeta Yoel, 'Kutani swi ta humeleta emikarhini ya makumu, leswaku Ndzi ta chela Moya wa Mina,' na hilaha A nga ta endla ha kona ehenhleni ka majaha ya Yena, na vanhwennyana va Yena, na malandza ya Yena ya xisati, na kuya emahlweni, esikwini."

³⁶ Kutani loko va sungula ku twa leswi, va tsemekile nhlana. Hikuva, va twe wanuna loyi a nga ti tivi na ti ABC ta yena, hambi swi ri tano a va fanele ku n'wi xiysisa, kutani a ri na Swin'wana endzeni ka yena, swi n'wi hisaka, Moya lowo Kwetsima. Ku n'wi yimisa? Hikokwalaho ka yini, a swi ta fana ni loko u humesela ndzilo ehandle, eka muako lowu omeke, hi siku ra moya. A wu nge swi endlili sweswo. A tatiwile hi Moya lowo Kwetsima. Kutani u endlile yini?

³⁷ Va teri, "Kumene, vavanuna na vamakwerhu, xana hi nga endla yini leswaku hi ponisiwa?"

³⁸ Sweswi langutisani, Petro, u na swikhiya swa Mfumo. Wa vona?

³⁹ Sweswi, loko Yesu a ta va a pfukile hi siku ra vunharhu, A nga ha ri na swikhiya swa Mfumo wa Matilo. Xana a mi switiva sweswo? U teri, "Ndzi na swikhiya swa rifu na tihlele," kambe ku ngari swa Mfumo, hikuva a swi nyikiwile Petro.

⁴⁰ Sweswi Yena u teri, "Petro, xin'wana na xin'wana lexi u nga ta xi ntshunxa emisaveni, Ndzi ta xi tshunxa eMatilweni. Leswi u nga ta swi boha la misaveni, Ndzi ta swi boha eMatilweni."

⁴¹ Sweswi hi loyi u yimile na swikhiya, ku pfula leswi swi katekisaka misava. Kutani hi loyi lahawani u khomile swikhiya evokweni ra yena. Kutani vale ku vutiseni leswaku, "Xana hi nga endla yini leswaku hi ponisiwa?" Sweswi,

a swi na mhaka leswaku muapostola u te ku endliwa yini, Xikwembu xi ta swi lemuka xi ri eTilweni, loko Xi n'wi nyika matimba ya lawa.

⁴² Sweswi Petro u teri, "Hundzukani, un'wana na un'wana wa n'wina, mi khuvuriwa hi Vito ra Yesu Kreste mi ta rivaleriwa swidyoho swa n'wina, kutani mi ta amukela nyiko yi nga Moya lowo Kwetsima." A hi swona xana? Kutani xexo hi xona xivangelo xa kuva swikhya swi pfurile Matilo swi pfulela vito rin'wana na rin'wana, hi ndlela yin'wana na yin'wana, hi xivumbeko xin'wana—na xin'wana. Xi pfulerile misava, nakona xi pfulerile Matilo, kumbe Yesu a va a nga hlayisanga Rito ra Yena eka Petro. Nakona va khuvuriwile eka ndhawu yin'wana na yin'wana yale Bibeleni, endzhaku ka sweswo, va khuvuriwile hi Vito ra Yesu Kreste. Na lava va nga khuvuriwa ku nga se fika sweswo, a va fanele va khuvuriwa nakambe, hi Vito ra Yesu Kreste, leswaku va kuma Moya lowo Kwetsima. Sweswo hi leswi swi nga lulama. Swa ha fambisa xisweswo.

⁴³ Swingaleswi, loko ha ha dyondzisa nkhuvulo wa vito ra "Tatana, N'wana, na Moya lowo Kwetsima," i vuprofeta bya vunwa. Sweswi a ndzi lavi ku mi vavisa, kambe ndzi tlhava leswi ehansi leswaku kereke leyi yi ta switiva sweswo. A hi lahawani tani hi ntlawo ka wu nga dyondzekanga wa swirhengele; hi tiva laha hi nga yima kona eka Rito ra Xikwembu. Wa vona, ha switiva. Ndzi tlhontlha un'wana na un'wana leswaku a ndzi komba ndhawu yin'we ntsena laha un'wana a nga kala a khuvuriwa hi vito ra "Tatana, N'wana, Moya lowo Kwetsima." Sweswi mi ya eku yingiseleni vuprofeta bya mavunwa kumbe Ntiyiso xana? Lavisisani Matsalwa. Swi le ka n'wina.

⁴⁴ Ndzi kombi laha munhu un'we eBibeleni, laha kereke yi nga tshama yi xiximiwa yi va dinominexini endzeni ka—endzeni ka Bibele. Ndzi kombeni eBibeleni laha va nga tshama va xixima muchumayeri wa wansati. Ndzi kombeni eBibeleni laha ku nga na hinkwaswo leswi, leswi hi vulavulaka hi swona, loko swi tshame swi xiximiwa eBibeleni. A swi kona lahaya. Ndzi byeleni ndhawu yin'we. Mi ya eka dinominexini...

⁴⁵ Kunene, loko Mamethodist ma yima, va chumayela hi ku kwetsimisiwa. Sweswo swi kahle. Kambe, loko va tava va swi endlile sweswo, va endlile dinominexini, kutani sweswo swa swi tshamisia. Xexo hi xona xivangelo xa kuva Bibele yi teri, "Mi na vito."

Mi ri, "Ndzi Mukreste."

"Kunene, u nghena eka dinominexini yihi?"

⁴⁶ Mi ri, "Ya Methodist," hikokwalaho ka yini, u nghwawavani kwalaho. "Ndzi Mubaptist," nghwawavani. "Pentekostal," wa ha ri nghwawavani. U wa kereke ya liya.

⁴⁷ U fanele u va wa Kreste. A swi na mhaka loko u ku, "Methodist," "Baptist." Loko ntsena u ri Mukreste, u Mukreste embilwini.

⁴⁸ Kereke yin'wana na yin'wana ya vito yi nga ha tswala vana, vana va Xikwembu, hi swona sweswo. Kambe loko u ehleketa leswaku u ya eTilweni ntsena hikokwalaho ka kuva u ri wa Methodist kumbe Baptist, u hoxile. Kutani hi xona xivangelo xa kuva hi humile eka xi xexo.

Hikokwalaho ka yini Mabaptist mi nga swi voni?

⁴⁹ Ndzi vutisile munhu wa Methodist lahawani, loko ku tsariwa xitoloveto, ntsena xitsariwile khale nkarhi lowu hundzeke. A ku, "Nchumu wun'we lowu hi nga na wona wo lwisana na wena, u nembelela eka Mapentekostal."

Ndzi ku, "Xana hi va mani 'hina'?"

"Hina, Mamethodist."

⁵⁰ Ndzi ku, "Kunene, ndzi ta ku byela leswi ndzi nga ta swi endla. Ndzi ta ta edorobeni ra n'wina nakona n'wina mi ta byela Mamethodists va wu seketela."

"Oho," a ku, "hakunene, hi ngaka hi nga swi endli sweswo."

⁵¹ Ndzi ku, "Sweswo swova leswi ndzi swi ehleketa. Ndzi tshama na Mapentekostal hikuva Mapentekostal va swi pfumela. Sweswo hi swona. Va hlengeletanelia swona. Hi van'wana va pfapfarhuti va ku vuyeriwa ka swona."

⁵² I vangani lava hlayeke atikili yaleyo eka magazini wa *Life*, ntsena sweswi, hi kereke ya Pentekostal? Hi yin'wana ya xi endlekalo lexikulu eka nguva leyi. Va kuma vahundzuki votala hi lembe rin'we kutlula tikereke hinkwato loko tihlanganisiwile. Hikokwalaho ka yini? Hambi eka swihoxo swa vona, Xikwembu xi le ku va fambiseni, hikuva va pfumela Ntiyiso nakona vale ku macheni eka Wona. I Ntiyiso.

⁵³ Kambe sweswi hi endla yini? Wa vona? Xexo hi xona xivangelo xa kuva hi ngari va kereke ya vito. Kutani ntsena tani hiloko ku ri ku kungela ka Pentekosta . . .

⁵⁴ Na le ndzhaku halahaya, loko Moya lowo Kwetsima wu ta cheriwa ro sungula ekerekeni ya Pentekostal, malembe ya makume mune lawa ya hundzeke, kutani va sungula ku vulavula hi tindzimi, yin'wana ya tinyiko. Yaleylo i nyiko leyi ntsongo ngopfu. Yaleylo yova xinyikwani eka tinyiko, ku ya hi Mukwetsimi Paul, ku nga ku vulavula hi tindzimi. Kutani loko ta hawa, "Oho," va ri, "hi na Wona sweswi," kutani va endlile kereke ya vito, yi nga General Council, leyi sweswi yi nga Assemblies of God. "Oho, ku hava loyi a nga na Wona handle ka loko wo vulavula hi tindzimi," kutani Xikwembu xi fambele ekule na vona, ni kuva pfumelela ku tshama kwalahaya. Kunene-nene. Ina, nkulukumba.

⁵⁵ Xikan'we kan'we ku ta va Oneness, kutani va kuma nkhuvelo wa Vito ra Yesu. Va teri, "Oho, hi na Wona," va hetelele hi ku ti kondletela. Xana va endlile yini? Xikwembu ntsena xi humile xi va siya va tshame kwalahaya.

I wa, "Loyi a swi rhandzaka, n'wi tshikeni a ta."

⁵⁶ Wa vona, ma Oneness a ve ngeyi eka Assemblies. Ma Assemblies a ve ngeyi eka Oneness. Ndzi vulavurile na vavanuna vo antswa lava a va ri na vona, Nkul. Goss, na Dok. Pope, na votala. Vavanuna lava nga vavanuna lavakulu eka...Ndzi tshamile ehansi na vona. Ndzi ku, "Xana mi nga dyondzisa njhani vumbhoni byo sungula, wa ha ri mudyondzi xana?"

⁵⁷ "Kunene," va ku, "Makwerhu Branham," un'we, vambirhi kumbe vanharhu va vona, a va tshembhekile hakunene, va ku, "ha swi tiva leswaku sweswo swi hoxekile, xana hi nga endla yini? Loko hi vulavula hi swin'wana na swin'wana sweswi, hikokwalaho ka yini, swi ta kavanyeta nonganoko hinkwawo." Hakunene, kutani a wu nge he pfuki u ve bishopo nakambe, kumbe muangameri lonkulu. Yaleylo hi yona miehleketo ya kona.

⁵⁸ Makwerhu, swi nga ha antswa ndzi va na mixini nyana ekhoneni, kumbe ndzi chumayela ehansi ka nsinya wa muphayini, kutani ndzi va na Ntiyiso, kunene-nene, niktu tiva leswaku u vula Ntiyiso. Vanhu va lava Ntiyiso. Kutani u ti bohole, tani hi Mukreste, ku kombisa vumbhoni bya Ntiyiso. Xikwembu xi ta lava vutihlamuleri bya wena ha swona.

⁵⁹ Kutani, eka swilo leswi, loko u nga khuvuriwanga hi Vito ra Yesu Kreste, nakona u nga swi endlanga swilo leswi, kutani u nga wu amukelanga Moya lowo Kwetsima...

⁶⁰ Mi ri, "Oho, ndzi vulavurile hi tindzimi." Sweswo a swi vuli leswaku u na Moya lowo Kwetsima.

⁶¹ Ndzi vonile valoyi, vangoma, madimona, na hinkwaswo, swi vulavula hi tindzimi. Hakunene-nene. A va na Moya lowo Kwetsima, kutani ma swi tiva sweswo. Va nwa ngati leyi humaka eka xipalapala xa munhu, va cina, niktu vitana dimona, va tlhela va vulavula hi tindzimi. Hakunene-nene. A va na Moya lowo Kwetsima.

⁶² Swingaleswi, hikuva mi vulavurile hi tindzimi, sweswo a swi vuli leswaku mi na Wona. Ndlela yin'we ntsena leyi yi kombisaka leswaku mi na Wona, hiloko moyo wa n'wina wu nyika vumbhoni byin'we na Moya wa Xona, kutani na mihadzu ya Moya yi milandzelela: rirhandzu, ripfumelo, ntsako, ku rhula, ku tiyisela, vunene, ku titsongahata, ku xixima. Kwalaho hiloko mi swi tiva leswaku mi na Moya lowo Kwetsima. Wu nyika vumbhoni bya wona hi Woxe.

⁶³ Sweswi, loko ma ha ringeta ku wisela eka yona, hikuva mi nghena Assemblies, kumbe Baptist, kumbe Presbyterian, ma swi vona leswaku mi endla yini xana? Mi le ku tekeni ka vito

ra nghwawavani. Sweswo hi swona. Humani eka xilo xexo. Hambanani na xona. A ndzi vuli ku huma eka kereke ya n'wina kumbe swin'wana; u endla leswi u swi lavaka ha sweswo. Kambe humani mi suka mi tshamela ekule, "Oho, ndzi Mupresbyterian. A hi pfumeli eka masiku ya masingita." Hikokwalaho ka yini mi nga swi pfumeli xana? Bibele yi dyondzisa swona. "Oho, ndzi nghena Church of Christ. Va ri masiku ya masingita ya hundzile." Hi vona vaprefeta va mavunwa.

⁶⁴ Ndzi nga ha mi kombisa laha Yesu Kreste a nga nyika Matimba eka Kereke, ku horisa vavabyi, niku pfuxa vafi, niku hlongola madimona. Ndzi tlhotlha munhu un'wana na un'wana leswaku a ndzi komba eMatsalweni eBibeleni laha Yena a nga ya susa eka Kereke. I ncini swi nga ya susa? Milawu leyi yi nga ya n'wina ya kereke, hi swona, ku ngari Rito ra Xikwembu. Moya lowo Kwetsima hambi swi ri tano wa ha kuma ntirho lowu nga endlili, ni kuya emahlweni ntsena ku fana, nakona Wa ha tava hilaha ku nga heriki.

⁶⁵ Xexo hi xona xivangelo lexi xi endlaka leswaku hi ngavi va dinominexini, "Va na nghohe ya vukhongeri, kambe va ala Matimba ya byona; kutani na vona u va fularhela." A hi pfumeli eka maendlelo ya lawa hina.

⁶⁶ Sweswi, swi sungule njhani? Hi ta fanela ku hatlisa hi nghena eka swona hi ku hatlisa loku hi nga ku kotaka sweswi, hilaha swi nga tshama swi sungula hakona. Sweswi hi na Matsalwa yo tala lahawani lawa ya nga tsariwa lahawani ya vulavulaka hi Moya lowo Kwetsima.

⁶⁷ Kutani xin'wana, hi endlile nthothlo vusiku bya tolo, eka "ku tiyisela ka vawkwetsimi," ku ngari hi ndlela leyi Mabaptist va pfumelaka ha yona. Ee, nkulukumba. Ndzi tiyisisa ku hambana ka Mabaptist na vonelo ra vona, na mianakanyo ya vona ya Vucalvinism. Hakunene-nene a ndzi pfumelelani na vona Mapresbyterian. A ndzi pfumelelani na Mamethodist ehenhleni ka dyondzo ya vona ya Arminian. Ina, nkulukumba. Kambe ha vumbirhi va na ntiyiso, kambe mi fanele ku wu vuyisela endzhaku *Lahawani* laha ku nga na Ntiyiso. Loko u tsutsuma u huma lahaya, u tsutsuma xinhova na yona. Hakunene.

⁶⁸ Mabaptist ma nghena, va fika va khuvula votala lahawani, hi ku va peta kunene; kutani muchumayeri a va khuvula, nkaye eka khume wa vona va dzaha tisigarete, va tlhelela endzhaku va ya yima lahaya, va tlanga makarati, bankho vusiku hinkwabyo, va tsutsuma-tsutsuma hinkwako, na tidili ta bindzu ra vumbavha; na vavasati hinkwavo va ambarile swo koma lahawani, va tsutsuma-tsutsuma hinkwako eswitarateni, va bobe na misisi ya vona, kutani—kutani va ri karhi va dzaha na ku vulavula, na swintlangwani swo n'ameriwa leswi rhungeleriweke, niku vula mafenya yo thyaka. Kutani mi swi vitana Vukreste? Kutani mi ehleketa leswaku mi na xisirhelelo

lexi nga Heriki? Mi ya a Tiheleni hi ndlela yaleyo. Mi ngaka mi nga tiphini n'wina hi n'wexe eMatilweni hi mukhuva walowo. Hakunene a swi ngevi tano. Xexo a hi xisirhelelo lexi nga Heriki.

Kambe loko munhu a tswariwa ra vumbirhi hi Moya lowo Kwetsima...

⁶⁹ Na n'wina Mapentekostal, hikuva mi tlulerile ehenhla nale hansi, mi vulavurile hi tindzimi, mi tsutsume ehenhla nale hansi exikarhi ka kereke, sweswo a swivuli leswaku mi na xisirhelelo lexi nga Heriki. Mi nga swi pfumeleri sweswo swi nghena enhlokweni ya n'wina. Ee, nkulukumba. Hakunene a swi tano. Hikuva, ma swi tiva leswaku lebyi byi nga bya n'wina—lebyi byi nga bya n'wina vutomi bya humesa, vumbhoni, bya leswaku a mi lulamelanga na Xikwembu. Sweswo hi swona. A mi kahle. Xexo a hi xona xisirhelelo lexi nga Heriki, hambi swi ri tano.

⁷⁰ Kambe ndzi lava ku mi vutisa swin'wana. Xana ku na xisirhelelo lexi nga Heriki xana? Bibebe yi vula tano. Bibebe yi vula tano leswaku mavito ya hina ya tsariwile eBukwini ya Vutomi ya Xinyimpfana misava yi nga si va kona.

⁷¹ Tani hilaha ndzi vuleke emixweni lowu, ndza swi vula nakambe. Wanuna loyi a tsaleke risimu leri nge, "Ku na vito leri ntshwa leri tsariweke eVukwetsimelweni madyambu lawa, nakona i ra mina," miehleketo ya yena a yi ri ya kahle, kambe a hoxile, hi xi Matsalwa. Vito ra wena a ri nghenisiwi hi vusiku lebyi u ponisiweke ha byona.

⁷² Vito ra wena, ku ya hi Bibebe, kuya hi Nhlavutelo 13, 17, na kuya emahlweni, "ri vekiwile kwalahaya ku nga se va na masungulo ya misava; kutani Yesu Kreste u dlayiwile ku nga si va na masungulo ya misava."

⁷³ Xikwembu xi nga swi endla njhani, Lexi xi ngariki na ku hela; xi nga swi endla njhani xi ri Xikwembu lexi xi ngariki na ku hela, lexi xi tivaka kusuka emasunguleni kuya fika emakumu, xana Xi pfumelerile njhani xidyoho ku va xi ta emisaveni, loko a ku ngari hi xivangelo?

⁷⁴ Ntsena ku seketela swin'wana swa leswi hi swi vuleke. Xana a kuri yini xo sungula, Muponisi kumbe mudyohi xana? [Un'wana eka nhlengeletano a ku, "Muponisi."—Muhleri.] Muponisi, hakunene. Loyer a nga na matimba lama kulu ngopfu, i Muponisi kumbe mudyohi xana? Loko kuri leswaku Muponisi u susa xidyoho, swi ri hi Yena a nga na matimba swinene. Kunene, hikokwalaho ka yini Yena a pfumelele xidyoho xi humelela ekusunguleni? Ku kombisa leswaku hi Yena Muponisi. I ncini lexi xi nga na matimba ngopfu, muhorisi kumbe vuvabyi? ["Muhorisi."] Muhorisi. Kutani hikokwalaho ka yini A pfumelela vuvabyi leswaku byi ta? Ku kombisa leswaku hi Yena muhorisi. Ndzi twa ndzi kateka sweswi. Ina, nkulukumba. Oho, mina! Sweswo i swihlawulekiso swa Yena.

⁷⁵ Xexo hi xona xivangelo xa kuva A pfumelerile swirhalanganyi leswaku swi ta. Xexo hi xona xivangelo xa kuva A pfumelerile maxangu leswaku ya ta, ku kombisa leswaku hi Yena ntsako. Hakunene, swi tano. Kwalaho hi swona swi endlaka leswaku hi va na na vusiku, ku khorwisa leswaku ku na nhlekanhi. Xexo hi xona xivangelo xa kuva hi ri na xifafa, ku kombisa leswaku ku na ku rhula. Hakunene, kova mphikizano wo humelerisa swin'wana. Oho, Xi sasekile.

⁷⁶ Sweswi, swi sungule njhani? Hi ta nghena eka swona, ntsena hi ku hatlisa tani hilaha hi nga ta kota ha kona, swingaleswi a ndzi nge mi khomeleti vusiku hinkwabyo. Sweswi, kufanele ku va na masungulo ya swilo hinkwaswo.

⁷⁷ Kutani ndzi lava ku mi vutisa swin'wana. Sweswi leswi swi nga... Mi handzula ntsena leswi exikhwameni xa n'wina xi anama. A mi fanelanga ku nghanisa leswi eka ndhichi ya ntoloveloo. Kambe yingiselani leswi.

⁷⁸ Loko mi ri xivumbiwa lexi nga riki na Makumu, swingaleswi a mi kalanga mi va na masungulo, kumbe a mi ngavi na makumu. Tani hi, nkala *Makumu* ri huma eka rito “leri nga riki masungulo kumbe mahetelelo.”

⁷⁹ A mi swi ehleketa xana? Ndzi teri, mixo lowu, leswaku hilaha Melkisedek, loko a hlangana na Abraham loko a vuya eku dlayeni ka tihosi. Kutani Bibele yi teri, eka Vaheveru⁷, leswaku—leswaku, “Levi u humesile vukhume eka Melkisedek, loko a hari eswisutini swa tatana wa yena Abraham.” Abraham u tswarile Isaka; Isaka a tswala Yakobo; Yakobo a tswala Levi. Yaloye a ri tatana, kokwana wa xinuna, na kokwa wa kokwani wa xinuna. Kutani loko Levi a ha ri eswisutini swa kokwa wa kokwana wa yena, Bibele yi n'wi nyikile xikweleti xa ku hakela vukhume eka Melkisedeke. A vulavula hi nkala Makumu! Mina, mina! A nga kalanga a ku, “Xi swi endlile endzhutini; u swi endlile hi vunyingi.” Bibele yi teri, “U hakerile vukhume.” Amen.

⁸⁰ Kutani, loko hi ta eka mbewu leyinene, loko Paul a chumayela Evhangeli a ndzi ri kona kwalahaya na n'wina a mi ri kona kwalahaya. Hi ta fika eka swona, ntsena xinkadyana, swi ta nembelela swi ta etindleveni ta hina. Xiyisisani, sweswo hi leswi Matsalwa ya swikoxaka, eka hina, hambi ku ri ku tlhelela endzhaku.

⁸¹ Ntsena ehleketa! Levi; ku ta Yakobo, tata wa yena; ku ta Isaka, tata wa yena; ku ta Abraham, tata wa yena; kokwa wa kokwana wa yena wa xinuna. Loko Levi a ha ri eswisutini swa kokwa wa kokwana wa yena wa xinuna, u humesile vukhume eka Melkisedek.

⁸² Ndzi lava ku mi vutisa. I mani loyi, Jobo 27...38, loko A teri, “A wu ri kwihi loko Ndzi veka masungulo ya misava xana? Loko tinyeleti ta ni mixo ti yimbelela kun’we, kutani

vana va Xikwembu va huwelela hi ntsako?" Xana a kuri va mani vana lava va Xikwembu lava a va huwelela hi ntsako? Yesu u va byerile, leswaku, "Ndzi vile na ntsako na n'wina ku nga si va na masungulo ya misava." A hi swivumbiwa swa nkarhi hina. Hi swivumbiwa leswi ngariki na Makumu.

⁸³ "A kuna munhu loyi a nga taka ka Mina, handle kaloko Tatana wa Mina a n'wi tshuneta. Kutani hinkwavo lava va taka ka Mina, Ndzi ta va nyika Vutomi lebyi nga Heriki, kutani ndzi ta n'wi pfuxa hi masiku ya makumu. Ku hava loyi a nga va susaka evokweni ra Tatana wa Mina, Loyi a va nyiketek eka Mina." Xana u ta suka njhani?

⁸⁴ Wa vona, mi chuhwile. Ma chava. Mi ta tsutsuma-tsutsuma hinkwako kwalahawani. Kutani lebyi hi byin'wana bya vumbhoni bya kahle, emisaveni, a mi se kumeka kun'wani sweswi. Hi swona sweswo. Xana Xikwembu xi nga mi ponisa njhani loko Xona...

⁸⁵ I vangani lahawani ekerekeni leyi lava nga ta yimisa mavoko ya vona, na ku pfumela leswaku Xikwembu lexi hi lexi xi nga riki na kuhela? Xana ma swi tiva leswaku rito lexi ngariki na *kuhela* ri vula yini xana? Ntsena rero i ku hetiseka. Heriki, a mi—a mi nge swi koti ku ri hlamusela rito *heriki*.

⁸⁶ Mi kale mi teka khamera ya n'wina mi yi seta ku ya fika laha ku ngariki na kuhela? Hikokwalaho ka yini, ntsena yi vula kusukela endzhaku. Hi swona. Ku hava ndlela yin'wana yo swi fokhasa kona nakambe.

⁸⁷ Kunene, sweswo hi leswi Xikwembu xi nga xiswona. Hi Lexi xi ngariki na kuhela. Nakona loko Xi ri lexi ngariki na kuhela, a ku ngevi na xifufunhunhu, ku ta pfumaleka na nhongana, ku pfumaleka na dzedze, ku pfumaleka na nhwala, ku pfumaleka na dzedze ra le vutlhela-dyambu, kumbe ku ri hava nchumu lexi nga tshama xi va kona emisaveni, kumbe swin'wana leswi nga ta va kona, kambe Xikwembu xi swi tivile misava yi nga si vumbiwa. Kuna ku xurha kun'wana loku ku ngariki na kuhela.

⁸⁸ Kunene, kutani, Xikwembu lexi ngariki na kuhela Lexi xi mi ponisaka lahawani, mi switiva leswaku Xi ya eku mi kayiveleni vhiki leri taka, kumbe nhweti leyi taka, kumbe lembe leri taka, hikokwalaho ka yini, Xi le ku hlulen i ka xikongomelo lexi xi fanaka. Xi ngaka xi nga mi tshiki. "Loyi a yingisaka Marito ya Mina, kutani a pfumela eka Loyi a Ndzi rhumeke, u na Vutomi lebyi nga heriki kutani a ngaka a nga Avanyisiwi, kambe u hundzile eka rifu kuya eka Vutomi." A swi nge endleki. A mi nga havi tano...

⁸⁹ "Loyi a tswariweke hi Xikwembu a nga dyohi; hikuva mbewu ya Xikwembu yi tshama eka yena, nakona a ngaka a nga dyohi." Xana a nga dyoha njhani loko ku ri na ku nyikela ka xidyoho xa yena?

⁹⁰ Xana ndzi nga vabya njhani loko ndzi ri eka rihanyu leri hetisekeke? Xana ndzi nga va bofu njhani loko ndzi kota ku vona? Oho, mina! Xana ndzi nga va njhani endzeni ka muako na le handle ka muako hi nkarhi wun'we? Xana ndzi nga dakwa njhani ndzi tlhela ndzi va ndzi nga dakiwanga hi nkarhi wu ri wun'we? A wu nge swi koti sweswo.

⁹¹ Kutani loko mi ponisiwile, mi le hansi ka ku Rivaleriwa, kutani swidyoho swa n'wina a swa ha hlayeriwi eka n'wina. Xana Davida a nga vulanga a ku, "Ku katekile munhu loyi Xikwembu xi nga n'wi hlayeriki ku dyoha ka yena, niku xihiayela xidyoho eka yena"? Xikwembu a xi khomeleli xidyoho lexi xi lwisanaka na xivumbiwa xa Xona. Sweswo swi tiyile. Sweswo a hi masi ya phehlwa. Kambe sweswo i Bibele. Xikwembu a xi nga hlayeli ku dyoha eka loyi a lulameke.

⁹² "Xikwembu," hi tintswalo ta Xona, hi ku hlawula, "ku ngari hi ku swi rhandza leswaku un'wana a lova, kambe hinkwerhu hi fanele ku hundzuka." Kambe kuva la nga riki na makumu, ni ku tiva loyi a nga ta ta ni loyi a nga taka a nga ti, Xi nga ha hlawula swin'wana na swin'wana ku tirha ku rhandza ka Xona. Loko Xona xi nga swi endlili sweswo, hikokwalaho ka yini Xi pfumelerile xidyoho xi nghena ekusungulen? Loko Xi ri Muponisi... Loko a ku nga kalanga ku va na mudyohi, a Xi tava xi nga va nga Muponisi; xihlawulekiso, lexi a xi ri eka Xona, a xi nga ta humeseriwela ehandle.

⁹³ Xana swi endlise ku yini leswaku Xona xi va muhanyisi? Xana swi endlise ku yini leswaku Xona xi va muhanyisi? Hikuva Xi pfumelerile mavabyi leswaku ma ta, leswaku Xi nga ha kota ku ti kombisa Xona hi xoxe leswaku Xi muhanyisi. Xi muhanyisi. A wu tava u ri njhani... Xana a Xi ta tiviwa njhani? Xana vuhosbya Xona a byi ta tiveka njhani? Xana a Xi ta va muhanyisi njhani, loko ku nga vanga na vuvabyi xana? Xi fanele ku pfumelela vuvabyi.

⁹⁴ A swi hlamarisi, loko Paul a teri, eka Varhoma 8. "N'wina vanhu lava nga tlharihangiki, i mani a—a nga byelaka muvumbi leswi a fanelaka ku swi endla; i mani, loko vumba byi yima byi ku, 'Hikokwalaho ka yini u ndzi endlisa, xisweswo, wena?' Xana a Xi pfuxanga Faro hi xikongomelo lexi fanaka, leswaku Xi nga ha komba ku kwetsima ka Xona eEgipta xana? Xi nonohisile loyi Xi n'wi rhandzaka, niku lulamisa loyi Xi n'wi lavaka. A hi yena a swi rhandzaka, kumbe yena loyi a fambaka, kambe i Xikwembu lexi kombisaka tintswalo."

⁹⁵ Swingaleswi, kuhava nchumu lexi mi nga xi endlaka ha swona. Mi hava na xin'we lexi mi nga xi endlaka. Loko ku ri tintswalo, loko yi ri nyiko ya mahala, a kuna lexi mi nga xi endlaka ha yona. Xikwembu xi mi nyikile yona, kutani sweswo i ku rhandza ka Xikwembu. Sweswo hi leswi Xikwembu xi nga mihlawulela swona.

⁹⁶ Bibebe yi teri hi “hlawuriwile leswaku hi va vana lava va nga adoptiwa, vana va Xikwembu, ku nga si va na masungulo ya misava.” Swingaleswi, loko Xikwembu xi tlhavile Xinyimpfana, eka ku ehleketa loku ku nga ka Xona N’winyi, ku nga si va na masungulo ya misava, ku tiyisisa swihlawulekiso swa Xona, swa leswi Xona a xi ri xiswona; loko Xinyimpfana xi tlhaviwile, hi tlhaviwile na Xona. Loko Ngati ya Xinyimpfana yi kumekile emiehleketweni ya Xona N’winyi, endzhaku lahaya ku nga si va na masungulo ya misava, ra mina na mavito ya n’wina a ma tsariwile eBukwini kwalahaya, hinkwako ku ehleketa ka Xona loku kulu.

⁹⁷ Hi Lexi xi ngariki na kuhela. Loko Xi ngari tano, hikokwalaho ka yini Xi swi pfumelerile? Laha ku nga leswi swi tiyeke swinene, (ndzi teri,) Muponisi kumbe mudyohi xana? Hi wihi loyi a nga na matimba ngopfu? Kwalaho, loyi a nga na matimba u fanele a pfumela la ngariki na wona, kutani Xi swi endla ntseña hikokwalaho ka ku kwetsima ka Xona. Loko Xi tava xi endlile Lusifa, Xi swi tivile leswaku u tava dimona. A Xi fanele ku swi pfumelela ku kombisa leswaku hi Xona Muponisi, la nga Kreste. Xi fanele ku swi pfumelela swihumelela hi ndlela ya leyo.

⁹⁸ Sweswi, Bibebe a yi vulanga yi ku, leswaku, “Hinkwaswo swi tirha kun’we leswi nga swa kahle eka lava rhandzaka Xikwembu”? [Nhlengeletano yi ku, “Amen”—Muhleri.] Swingaleswi mi chava yini xana?

A hi yimeni hi endla,
Hi mbilu ya ku lwisa swin’wana.
Mi nga fani na mbheveve leyi byisaka
tihomu, yi fanele ku komberiwa na ku
khongeteriwa!
Kutani a va nghwazi!

⁹⁹ Ndza swi rhandza sweswo. Yima! Xiphato xitsongo lexi a xi ni pfuna swinene loko ndza ha ri n’wana, xi hi ndlela yo fana na leyi.

A kuri na nghanakana ya Xirhoma,
Hi nkarhi wa masiku ya Mfumo wa Rhoma;
Loyi a tweke xiprofeti xo biha xa toya,
Emahlweni ka khokholo a ku:
“Oho, swi hlayisekile ku fana na murhi wa
kipres,
Ku hava na un’we loyi a nga wu ninginisaka.”
“Oho, ee,” ku vula nghwazi,
“Ndzi ta kuma ndlela kumbe ku yi endla.”

¹⁰⁰ Kwalaho mi nga kona. Sweswo hi swona. Loko Bibebe leyi yi dyondzisa leswaku Yesu Kreste hi yena tolo, namuntlha, ni hilaha ku nga heriki... A ku ngari leswi swi olovaka loko ndzi humela ehandle ka tabernakele leyi siku lero, kutani un’wana

na un'wana a ndzi byela leswaku *leswi* swi ta humelela, kutani *sweswo* swi ta humelela. “U ta tekiwa u ri loyi a nga talela hi swihoxo, u hoxiwa ekhotsweni, ni hinkwayo minhlangano ya vutshunguri yi ta lwisana na wena.” Kambe Xikwembu xi teri swi endli. Bibele yi teri A ri tano. Kutani sweswi mpfuxelelo wa ndzilo wu hisa tinxaka hinkwato ehansi ka Tilo. Hikokwalaho ka yini? Yima ehenhla ka swona!

Xana i wu sungula njhani ntirho wa wena
siku na siku?
Xana wa wu chava ntirho lowu u nga wu
kuma?
Xana u nga yima emahlweni ka ntirho?
Xana wa karhala u helela na hi miehleketo?
(Ndza ma venga maendlelo ya lawa.)
Kumbe wa wu yimela ntirho lowu wu nga
emahlweni,
Kumbe wa chava kutsutsumela eka wona?
Loko swi ri tano, sungula wun'wana lowu u
wu kumaka,
Hi ku ehleketa leswaku u ya eku wu endleni.

¹⁰¹ Tshamani na wona. Hakunene. Vana na xikongomelo embilwini ya wena, tani hi Daniel. Tshama na Xikwembu.

¹⁰² “Xana swi humelerile kwihi hinkwaswo leswi? Swi humelele njhani xana? I ncini swi endleke vanhu va va xi sweswo xana? Hikokwalaho ka yini ntsena hi tilulamiserile ku herisiwa xana? Makwerhu Branham, ndzi nhlamuseli. I yini leswi swi ku endlaka leswaku u ehleketa leswaku swilo leswi hinkwaswo swi fanele ku suriwa swi suka?” Swi suriwile kan’we eku sunguleni, (a hi swona sweswo?) eka nhlaselwa ndhambhi. Sweswi lahwani ku ta swilo swa le makorhwени. Kutani hi tava hi tilulamiserile ku hlaya.

¹⁰³ Sweswi ndzi mi lava leswaku mi pfula na mina, eka Buku ya Genesa, eka ndzimana ya vu³. Loko mi lava ku tiva xin’wana na xin’wana, ndzi ta mi komba hi Buku leyî ya Genesa laha mikhova hinkwayo na tidyondzo hinkwato ta kereke, na hinkwaswo leswi hi nga na swona namuntlha, swi sungule eka Genesa. I vangani lava va switivaka leswaku *Genesa* swivula “masungulo”? Hakunene-nene.

¹⁰⁴ Hi kuma kereke ya Khatholiki ekusunguleni, yi ri Babilona, Nimrod ku ri yena musunguri wa yona; ha swi kuma exikarhi ka Bibele, hi swi kuma nale kuheteleleni ka Bibele; ha swi kuma, va ringeta ku nghenisa swi chumayeri swa vavasati, emasunguleni ya Bibele, hi ku gandzela swifaniso leswi endliweke hi timintsu. I vangani lava hlayeke Hislop’s, *Two Babylons*, ya matimu xana? Hinkwaswo swi kahle. Ha swi kumisisa, eka matimu lawa. A va ri na wansati... Kutani ma swi tsundzuka, hambi kuri Yakobo u yivile swikwembu swa

vatatana wa yena, kutani nhwana wa yena a swi tumbeta eka yena kutani a swi teka a swi yisa lahaya emananga, laha swi thyakiseke nkampa, endzhaku. Hi swona.

¹⁰⁵ A hi hlayeni laha eka Genesa sweswi.

Sweswi nyoka a yi tlula hi mano eswiharhi hinkwaswo swa tiko leswi Hosi Xikwembu a nga swi endla. Kutani yi ku ka wansati, Kunene, Xikwembu xi te, Mi nga tshuki mi dya murhi na un'we wa ntanga?

...wansati a ku ka nyoka, Hi nga dya mihandzu ya ntanga:

Ntsena loko yi ri mihandzu ya murhi...lowu nge xikarhi ka ntanga, Xikwembu xi te, Mi nga ka mi nga dyi, ni ku khumbha, leswaku mi nga ta fa.

Kutani nyoka yi ku ka wansati, Mi nga ka mi nga fi:

Kambe Xikwembu xi tiva leswaku siku mi nga ta dya, mahlo ya n'wina ma ta pfuleka, (wa vona, ku hlotiwa Rivoni leritshwa), mi ta kotisa xikwembu, mi tiva swo saseka ni swo biha.

¹⁰⁶ Langutisani hilaha vanakulorhi lava va nga xiswona namunthla, va ringetisaka xiswona ku swi yisa ekule na Bibele? "Hikokwalaho ka yini, ntsena a swi olovanga tani hi ku chela hi mati, kumbe ku haxa, kumbe hi ndlela *leyi*, kumbe hi ndlela ya *leyo*?" Ee, nkulukumba. Xikwembu xi wu vekile ehansi nonganoko, kutani sweswo hi leswi a hi fanele ku swi landzeleta, *Leswi*.

E wansati loko a vona leswaku murhi a wu nandziha, ni leswaku a wu navetisa mahlo, ni leswaku murhi...wu navetisa ku tlhariha, a kha mihandzu ya wona, a dya, a nyika nuna wa yena loyi ingi ari na yena; kutani a dya.

Kutani mahlo ya lavambirhi ya pfuleka, nakona va tivile...leswaku a va ambalanga; kutani va rhungelela matluka ya nkuwa, va tiendlela tinguvu.

¹⁰⁷ Ndzi tsakela ku yima kwalahawani xinkadyana. Sweswi, ku fanele kuva na masungulo ya hinkwaswo. Mi vile na masungulo. Sweswi hina...Lahawani hilaha ndzi lavaka ku kongomisa hinkwaswo eka swona, sweswi, hi vulavurile hi swona eka tinhlengeletano timbirhi leti hundzeke, ku fika kwalahawani.

¹⁰⁸ Sweswi, mixo lowu hi tlhelerile endzhaku hi ya swi tlanguhata, eBibeleni, leswaku loko Xikwembu xi ri eku endleni ka misava, kwalaho a Xi endla tigasi; kutani tigasi ta kona ti vile khalisiyamu, na photaxi, na-na tin'wana to hambanana. A Xi ri eku endleni ka miri wa n'wina. A Xi ri eku endleni ka muako, tani hi muaki lonkulu, tani hi mukontraka loyi a ri eku humeseleni ka switirhi swa yena ku aka projete ya

ku aka tiyindlu. A Xi ri eku akeni ka miri wa n'wina, kutani Xi wu veka lahaya. A Xi wu tiva kahle, emiehlekeweni ya Xona, leswi a swi fanele ku ya endleka.

¹⁰⁹ Voko *leri*, Xikwembu xi endlile voko lero Xi nga si...loko Xa ha ri eku endleni ka misava; kambe, moya wa mina Xi wu endlile ku nga si va na misava. Sweswi, kambe voko leri na miri lowu, Xi swi endlile loko Xi tava xi endlile misava, hikuva miri lowu wu huma eka yona misava, nakona wu tlhelela endzhaku emisaveni. Xikwembu xi swi endlile sweswo. Xi swi vekele hinkwaswo hi ku tsala ka Xona ka wasi na hi nonganoko wa Xona.

¹¹⁰ Sweswi, loko Xi yile eku endleni ka misava, Xi endlile munhu, nakona munhu a nga languteki a ri kahle. Sweswi hi na swona sweswo, emixweni lowu, hi fambile hi drama, leswi a swi—swi ri xiswona loko Tatana a enhlela ehansi a languta n'wana loyi a nga wa Yena, loyi xi n'wi endleke hi xivumbeko xa Xona, na kuya emahlweni. Kutani Xi n'wi endlela nsati, mupfuneti.

¹¹¹ Sweswi, tsundzukani, leswaku, swivumbiwa hinkwaswo swa misava, swi thyiwile mavito hi Adam.

¹¹² Xi endlile ti—ti homu, na swivandzani, na hinkwaswo. Kutani namuntha, hina...Vahlayeleri va masiku na—na miehleketo leyikulu yo hambanana ya sayense, a va ri eku ringeten, ku ringana magidi ya ntsevu wa malembe, ku kuma ku lahlekelana kwaloko ka matelo ya munhu, hikokwalaho ka yini xiharhi xexo...Munhu u na vutomi bya xiharhi. Ha switiva sweswo, leswaku hi endliwile...

¹¹³ Nakona wansati o va ntsena xiphemu xa wanuna, lexi humesiweke ka yena. Wansati a nga humi eka ku vumbiwa ka ntiyiso. Xikwembu xi tlurile ku vumba, kuringana malembe na malembe na malembe, ku fikela loko Xi endla wansati hi rimbambu ra tlhelo ra yena. Adam a thyile khale ntumbuluko hinkwawo, hinkwaswo ka swona, kambe a ngari munhu wa nchumu. Swingaleswi, Xi n'wi endlerile mupfuneti; xi susa rimbambu etlhelo ka yena, xi pfala mbanga, kutani xi n'wi endlela loyi a nga n'wi pfunaka. Kutani munhu, emoyeni wa yena, a ri hi kambirhi wanuna na wansati.

¹¹⁴ Kutani wansati o va ntsena xiphemu xa wanuna. Kutani loko wanuna a ti tekela nsati, na loko a lulamerile ku va nsati wa yena, nsati loyi a nyikiweke hi Xikwembu, u tava ntsena xiphemu xa yena.

¹¹⁵ Xexo hi xona xivangelo xa kuva mi ri na ku kanakana ngopfu eka vukati, swi hi kokwalaho ka kuva mi huma mi ya vona wa nhwana un'wana wa mahlo ya buraweni kumbe mahlo ya wasi, kumbe swin'wana swo fana na sweswo, kumbe xisuti xo yimeka, kutani u wela eka yena. Xo sungula a kuma n'wana wa matevula, a sungula ku guleka meno, kutani a khonyana a dyuhala, u vi u lava ku n'wi hlongola. Kutani van'wana va

n'wina vavasati mi kuma xifanyetana na misisi ya xona yo kameriwela ehansi, na mafurha nyana ya nguluve ya mana wa yena a nga yi tota wona, a endla tikhlele. Kutani hinkwerhu ma swi wela; ndza swi tiva sweswo hi ntokoto. Kambe ku humelela yini? Xana i yini sweswo? Ma swi wela sweswo.

¹¹⁶ Mi fanele ku khongela, ku sungula, hikuva wansati i xiphemu xa n'wina. Kutani loko mi vukarhile wansati exifuvemi xa n'wina, mi n'wi teka kuva nsati wa n'wina, kutani n'wina... Wansati a endla vukandziyelo eka n'wina. Hi ta swivila hi ndlela leyi leswaku mi ta swi twisia. Kutani wansati un'wana na un'wana loyi a lwisanaka na xifuva xexo a nga ringanelanga eka vukandziyelo byebyo. Kutani Xikwembu xi ta khoma vutihlamuleri eka swona. Kutani ntsena mo swi tsundzuka sweswo.

¹¹⁷ Wena u tekaka nsati wa un'wana u ti humesa... ndzi swi twile namuntlha hi ta xinhwenyetana lahawani edorobeni, xin'wana xa vusiwana. Ndza n'wi tiva. Nakona mubindzurisi un'wana u n'wi xavele swiambalo swa kahle, na swin'wana, kutani a ringeta ku tlanga na yena hi ndlela yaleyo. Kondlo, ri nga swi endla swin'wana swo fana na sweswo, ri ngaka ri nga tekiwi tani hi munhu.

¹¹⁸ Ma swi tiva, mbyana a yi le hansi hi ndlela yaleyo, hambi leswi mi vitanaka mbyana ya xisati leswaku i "nkati." Yi na vunene kutlula hafu ya xiphemu xa vavasati va Jeffersonville va nga na byona. Kutani mi vula honci ya khale ya xisati leswaku i "matsune," nakona a yi tano... U na vunene byo tala kutlula vavasati va laha United States, hi vunyingi bya vona. Sweswo hi swona hakunene. Sweswi, ndza switiva sweswo swa bamba. Kutani ndzi mi byerile leswaku ndzi ya eku swi gayeleni ekaya, nakona ndzi mi lava leswaku mi swi tiva. Kutani walowo i ntiyiso. Hinkwavo ka vona, vavasati va masiku lawa, a va byi tivi leswaku vunene i yini. Va ri, "U nga vavisi ripfalo ra mina." Kunene, a wu na rona hambi kuva na rona. Xiyisisani. Ina, nkulukumba. Loko, u tiva leswinene ni leswi nga hoxeka.

¹¹⁹ Sweswi xiyisisani. Wanuna loyi, loko a tava a tumbuluxiwile, Xikwembu xi avile moywa yena. Kutani Xi susa xiphemu xa wanuna, rimbambu ra yena, kutani xi endla wansati ha rona. Hiloko Xi teka wa xisati, moywa wo saseka wa wanuna, kutani xiendla wansati ha wona. Kutani Xi endlile wanuna, wa xinuna, wa ntamu.

¹²⁰ Kutani loko u vona e-e-e wanuna loyi a nga ntsongo... ma swi tiva, vutshunguri bya mavoko, kumbe leswi mi swi vitanisaka xiswona, min'wala ya yena; kutani, ma swi tiva, mune eka tlhelo lerin'wana na nthhanu eka tlhelo lerin'wana, na-na misisi ya yena leyi nga phuxeriwela ehansi; ku ya khoma nomo wa yena lowu wu nga pfuleka emahlweni, na maendlelo ya lawa yo kotisa ya lawa; xin'wana xa swifanyetana leswi

swa kahle. Ntsena wa swi tsundzuka, sesi, ku na xin'wana lexi hoxekeke hi xinyenyana xexo. Ku na xin'wana lexi nga hoxeka. Swa antswa u veka tihlo ra wena eka yena.

¹²¹ Loko u vona wansati na sigarete ethelo ka nomo wa yena, na phere ya tiovhorolo leti a ti ambeleke, kutani a ku, "Ndzi ta ku byela, hi ku gandlazela, leswi swi vulaka swona!" Makwerhu, u langutisa nhwenyana yaloye wa khale. Kuna swin'wana swi nga hoxeka ha yena.

¹²² Wansati, loyi a fanelaka ku va wansati, kutani a fanele ku ambala ku kotisa wansati. Loko Xikwembu xi endla wanuna, Xi n'wi endlele nchumu wun'we; kutani wansati Xi n'wi endlele wun'wana. Kutani loko Xikwembu xi ambexa wanuna, Xi n'wi ambexe hi ndlela yin'wana, na yena wansati hi yi n'wanyana. Kutani Bibebe yi teri, "I manyala eka wansati ku ambala nguvu leyi yi yelenaka na ya wanuna."

¹²³ Na n'wina vavasati, mi ambala tiburuku leti to manya la amilengeni na swin'wana, mi ti ambala kwalahawani, ta khale... Xana mi swi vitana yini, nikaboka? Xana va ti...? Oho, xana i yini sweswo va...? Ee, ee, a tivuriwi tixoti, hi tin'wana, ti nga na milenge yo leha eka tona. [Nhlengeletano yi ku, "Swileke."—Muhleri.] Swileke, na tiovhorolo, na tidangara.

Va nghena, va ku, "Leti i ta vamanana."

¹²⁴ Ndzi ku, "Ee, ma hoxisa. Vamanana a va swi ambali swilo swa vona. Vavasati va nga ha swi ambala, kambe vamanana a va swi endlili." Sweswo hi swona.

¹²⁵ Bibebe yi teri, "I manyala loko wansati a ambala nguvu... na wanuna loko ambala nguvu leyi yi yelenaku na ya wansati."

¹²⁶ Kutani vavanuna va va na vusati ngopfu, masiku hinkwawo, na vona vavasati va va vavanuna ngopfu. Mhaka i yini xana? Hi ta swi kuma hi timinetse titsongo, hi Bibebe. Vavasati a va hari vavasati nakambe. A ndzi vulavula hi kutsutsuma ka un'wana na un'wana. Va lava maendlelo ya vavanuna; va lava ku kerha misisi ku kotisa vavanuna; va tlhandleka mavoko ya vona enyangweni, tani hi *sweswo*, kutani va yimbelela *Xikwembu Katekisa Amerika*, na tisigarete ethelo ka milomo ya vona.

¹²⁷ Fambani lahaya exitarateni, mi tlhelela endzhaku ehandle tani hi *sweswo*, na le ka tihayiweyi. Hi hlayelerile... Ndzi lava ku mi byela swin'wana. Na n'wina vachayeri va xisati, yingisani. Billy Paul na mina, eka mpfhumba leri ro hetelela ro rhendzeleka hi tiko, tinhweti ta ntsevu, ndzi hlayisile tihlayo ta lava va maendlelo yo biha emagondzweni. Kutani eka tinghozi ta madzana manharhu, egondzweni, vhumba leswaku i vangani lava va nga vachayeri va xisati? Kwalaho kuna ku kayivela... Khume nkaye wa vona a vari vavanuna. Kutani madzana mambirhi na makume nhungu kumbe, ndza

pfumela leswaku swi tano, madzana mambirhi na makume nhungu-n'we a kuri vachayeri va xisati. Vachayeri va xisati! Sweswi, a ndzi vuli leswaku vavasati a hi va chayeri va kahle. Kambe u tava na majikele yan'wana.

¹²⁸ Kutani loko u ringeta ku tlhelela endzhaku eka yena? U kuma a ri wo languteka, a yimile lahaya, a ri karhi a phuxa misisi ya yena loko phorisa ri ta. "Hikokwalaho ka yini," u ta ku, "hakunene, u hoxile!" A hi na nawu.

¹²⁹ Va swi kumisisile siku rin'wana eka xikombelo xa muthelo lexi a ndzi ta hi xona. A hi ngari na milawu. Loko kwalaho ku ri....

¹³⁰ A swi hlamarisi loko tihosí ta England ti ku, "Xidimokrasi hinkwaxo xi tlutile a ka ha ri na nkuleko." Sweswo hi swona, yima eka bokisi ra xisibi, eku nhlawuleni. Xidimokrasi xi borile, kutani ku na vachaviseti na hinkwavo ka vona eka xona. Nchumu hinkwawo wu borile. Ka ha ri hava na nchumu handle ka xin'we ntsena lexi Xikwembu xi nga ta swi endla, i ku hlasela nchumu hinkwawo, tani hilaha Xi vuleke leswaku Xi ta swi endla, kutani xi sungula swi tshwa. Sweswi langutani leswaku mi le kusuhi njhani na ku Vuya.

¹³¹ Sweswi loko wansati loyi...Xi n'wi endlerile mupfuni, kutani a fanele a va mupfuni wa yena. Swingaleswi....

¹³² Sweswi, lahawani, a ndzi kalanga ndzi va na yena muchumayeri loyi a yima na swona leswi. Kutani va ringeta ku swi endla hi ndlela yin'wana, kambe hambi swi ri tano a swi kali swi twala eka mina. Va ringeta ku vula leswaku Adam na Evha va dyile maapula. Makwerhu, loko...A ndzi vuli leswi leswaku swi va fenyä sweswi, kambe ndzi lava ku swivula leswi. Leswaku, loko ku dya maapula swiendla leswaku vavasati va ti vona va nga ambalanga, swa antswa hi tlhela hi va nyika maapula nakambe. Kutani ma swi tiva leswaku sweswo i ntiyiso.

¹³³ Ma swi tiva, ku dya apula, sweswo a hi swona leswi va swi endleke, swi endleke leswaku va swivona leswaku a va ambalanga. Hakunene, a hi rona. A swi fanele swi ta hi masangu. Swi fanele swi va tano, hikuva va swi lemukile leswaku a va ambalanga loko va tava va tekile muhandzu lowu aleriweke. Xana wansati a hi yena nsinya wa muhandzu xana? A hi n'wina mihadzu ya va mana wa n'wina xana? Walowo i muhandzu lowu aleriweke ku va wu tekiwa.

¹³⁴ Sweswi hi lowu nchumu wa kahle. Sweswi leswi swi nga ekusuhi swinene leswi sayense yi nga na swona i ku tiva leswi munhu a ri xiswona...Va yemburile marhambu ya khale, va teka tifosili, kutani va teka na tinhloko, va teka na swipalapala, na mavoko, na marhambu, kutani va ringetile ku ma endla leswaku ya languteka ku fana na ya munhu. Nakona va switiva leswaku lexi xi nga ekusuhi swinene lexi va nga

tshama vata va ta xi kuma xa ximunhu, lexi xi nga ekusuhi na xona, i chimpandze. Hi rona rixaka leri ri nga ekusuhi swinene na ra ximunhu; kambe hambi swi ri tano a ri nchumu na xivumbiwa xa ximunhu, xi le henhla-henhla.

¹³⁵ Xivumbeko xa le hansi-hansi xa vutomi i xidula; xivumbeko xa le henhla-henhla i xivumbiwa xa ximunhu. Xikwembu xi sungurile ehansi xi endla xi ya ehenhla, kufikela laha Xi humesaka xivumbeko xa Xona. Xi xi tisile hi tinyenyana na hi swiharhi, na kuya ehenhla, kufikela laha Xi vaka na xivumbeko xa Xikwembu. Xi endlile munhu hi xivumbeko xexo. Xexo hi xona xivumbeko xale henhla-henhla. Xivumbeko xale hansi-hansi i xivuluvulu lexi ncincaka xi va xidula, na kuya emahlweni.

¹³⁶ Sweswi, ku lahlekelana kwaloko ka matele ya munhu, loku va nga ku kumiki. Langutisani Matsalwa sweswi. N'wina, a mi nge yimi na swona leswi, votala va n'wina, kambe ndzi lava... ntsena ndzi mi lava mi swi tekela enhlokweni. Kutani mi ngavi na miehleketo leyи yi lwisanaka na swona. Yingisani.

¹³⁷ Ndza switiva leswaku votala va n'wina a mi ri eku yingiseleni ka Dok. DeHaan. Na mina hakunene...Tani hi munhu wa vuswikoti, nakona i makwerhu wa kahle wa Baptist, kutani ndza n'wi amukela hakunene. U na vutlharihi byo tala na mabyongo, na—na ku rivala kutlula leswi ndzi nga tshama ndzi swi tivisa xiswona; hikuva i Dokodela wa—wa swa Vukwembu, nakona u dokodela wa swa vutshunguri, a tlhela a va Dokodela wa Sayense. I munhu wo tlhariha. Kambe u vula leswaku lava...Loko vana va Xikwembu va vona vanhwenyana va vanhu leswaku va sasekile; u tekile xiyimo xa Yosefati, kutani a vula leswaku “va—va tisusumeterile vona hi voxе eka nyama ya ximunhu,” kutani va ti tekela eka vona evavasati. Kutani a kuri na swihontlovila etikweni ra Nod. “Va ti tekela vavasati va hanya na vona, loko vana va Xikwembu, Tintsumi leti weke, ti titekerile na ku vona vanhwenyana va vanhu; kutani ku navela ka timhaka ta masangu a kuri nchumu lowukulu, hambiloko va ri vadyohi hi ku wa, va ti susumeterile eka nyama ya ximunhu.”

¹³⁸ Loko va endla sweswo, va poyila ku hanyisiwa loko Kwetsima, va poyila hinkwaswo. Loko javulosi a nga kota ku tumbuluxa, swivila leswaku wa ringana na Xikwembu. Javulosi a nga swikoti ku tumbuluxa. Ndzi lava leswaku mi ndzi komba ndhawu yin'we laha javulosi a nga tshama a tumbuluxa. A nge swi koti ku tumbuluxa. Ntsena u encenyeta leswi swi nga tumbuluxiwa. A hi mutumbuluxi. Ntsena o va muencenyeti.

¹³⁹ Kunene, swingaleswi, ku humelele yini? Langutani. Hi leyи nhlamuselo ya buku ya mina. Hi lawa malahlekele ya leswi munhu a nga tisa xiswona.

¹⁴⁰ Sweswi va na chimpandze, kambe a swi koteiki leswaku u nga hlanganisa ngati ya chimpandze na wansati leswi swi nga ta endla leswaku ku tswariwa n'wana. U ngaka u nga hlanganisi ngati ya ximunhu na ya xiharhi xin'wana na xin'wana. Yi ngaka yi nga hlangani. A wu nge swikoti ku hlanganisa tingati, na xiharhi xin'wana na xin'wana.

¹⁴¹ Loko ndza ha ri eAfrika, va hanyisile vanhu lava va vusiwana va makhaliadi kuvava hi ndlela yaleyo; un'wana u teri eka mina, a ku, “A vova vanhu va nchumu handle ka swiharhi.”

¹⁴² Ndzi ku, “A ndzi ku twanga kahle. Ntseña i vanhu na vona kukotisa wena leswi u nga xiswona, kumbe ku kutlula nyana.” Mi nge ndzi mi byela, loko mi ri na maendlelo ya muxaka walowo, mi tlhelela endzhaku eka vuvarhi. Ndzi ku, “Wanuna yaloye, loko a ntimile tani hi laha swipedi swi nga petseka ha kona, kumbe loko a ri wa xitshopani tani hi kwembe, kumbe loko a ri wa wasi tani hi bulawusele, a nga ha ponisa vutomi bya wena hi ku ku nyika ngati. Kambe a wu nge nghenisi ngati ya xiharhi eka wena.” Hakunene, i munhu.

¹⁴³ Ntseña hikokwalaho ka kuva nhlonge yin'wana yi ri ya ntima, yin'wana yi ri ya buraweni, yin'wana yi ri ya xitshopani, kutani yin'wana yi ri yo basa, sweswo a swo pfuna ngopfu nchumu. Bibele yi teri, “Xikwembu xa ngati yin'we xi endlile vanhu hinkwavo.” Kutani sweswo hi swona hakunene. Tindhawu leti hi hanyaka eka tona, hi tona tincincaka mihiollo ya hina, nakona a swo pfuna nchumu swisweswo. Xikwembu xi endlile munhu un'we—un'we matiko hinkwawo, ngati yin'we, matiko hinkwawo ku fanana.

¹⁴⁴ Muchayina; munhu wa mukhaladi a ngaka a nga vuli leswaku, munhu wa ntima a ngaka a nga vuli sweswi, leswaku, “Wanuna yaloye wa Muchayina, i—i wa xitshopani, a ndzi na mhaka na yena.” I makwenu wa wena. Na n'wina vanhu vo basa mi ngaka mi nga vuli eka vanhu va xitshopana kumbe vanhu va ntima, kumbe van'wana, “Leswaku a ndzi na ntirho na vona.” I makwenu wa wena. Hi swona hakunene.

¹⁴⁵ Xiyisisani sweswi, leswi hi leswi swi nga humelela. Ndza pfumela, nakona ndzi nga swi seketela hi Bibele, leswaku i nyoka leyi yi swi endleke. Nyoka i munhu yaloye loyi a lahlekeke exikarhi ka chimpandze na munhu. Hikokwalaho, yingisani, xiyisisani leswi sweswi, leswaku nyoka a ku ngari xikokovi. A ri “wa mano” kutlula swiharhi hinkwaswo swa tanga.

¹⁴⁶ Sweswi, ndzi yile ndzi ya kuma tidikixinari, namuntlha, kusukela hinkwako, ku languta rito leri, leswaku rito leri nge wa *mano* ri vulaka swona. Ri vula “ku va wa malwandla, ku va na vuntlharhi,” kutani, nhlamuselo ya kahle ya—ya Xiheveru (kusuka eka m-a-h-a-h, mahah) swivula “kuva na vutivi bya ntuyiso bya minsinya ya vutomi.”

¹⁴⁷ Sweswi a hi languteni leswi xinkadyana. I wa malwandla, wa vutlharhi, hambi leswi a vitaniwaka “nyoka.” Kambe, tsundzukani, a ri wa malwandla swinene kwalahaya, kutani ku kotisa xivumbiwa xa ximunhu kutlula hinkwaswo leswi a swi ri entangeni; a xi ri ekusuhi swinene na rixaka ra xivumbiwa xa ximunhu. A ngari xikokovi. Ndzhukano hi wona wu nga n’wi endla leswaku a va xikokovi. Kutani a ri...Bibele yi ri a sasekile ngopfu kutlula hinkwaswo.

¹⁴⁸ Kutani hambi wu ri ndzhukano a wu kalanga wu susa kusaseka ka yena hinkwako; hambi swi ri tano mihlovo leyi dzunekaka ya nyoka yi sasekile, na tintswalo ta yona na mano ya yona. Hambi ndzhukano a wu kalanga wu swi susa. Kambe, ma swi tsundzuka, Xikwembu xi n’wi byerile leswaku milenge ya yena yi ta susiwa kutani u ta famba hi khwiri ra yena. Nakona a wu nge kumi na rhambu na rin’we ra nyoka leri ri fanaka na ra xivumbiwa xa ximunhu, kutani xexo hi xona xivangelo xa kuva sayense yi lahlekile. Kambe kwalahaya yena u kona.

¹⁴⁹ Xikwembu xi swi tumbeterile mahlo ya lavo tlhariha ni va mano, kutani xi tshembhisa ku swi paluxela vana va Xikwembu, eminkarhini ya makumu loko vana va Xikwembu va ta vonakarisiwa, loko, “Vana va Xikwembu lava tsakeke ku nga si va na masungulo ya misava.” Loko nhlavutelo lowukulu wa vukwembu bya Xikwembu na swin’wana loko swi ta tisiwa emisaveni hi masiku yo hetelela, Xi ta kombisa swilo leswi hi vana va Xikwembu. Ma swi tiva leswaku Matsalwa ya dyondzisa swona sweswo. Kutani hi hina lava. Xexo hi xona xivangelo xa kuva Xikwembu xi hi pfulela swilo leswi. Xikwembu xi tisa vana va Xona kuva lava va kombisiwaka. Xi famba ehandle ka swipimelo swa vutivi bya ximunhu, hi ndlela ya hlavutelo wa ximoya, kutani xi Wu tisa ehansi. Xana a hi ngari eku dyondziseni, hi Bibele leyi leswaku, “Hi leswi swilo swa loyi a nga na vutlharhi?” Ku ngari leswi a nga swi dyondza eka tiseminara tin’wana; kambe leswi a swi dyondzeke ematsolweni ya yena emahlweni ka Xikwembu, na leswi nga tsakisa Xikwembu kuva xi n’wi nyika. Vana va Xikwembu, lava kombisiweke!

¹⁵⁰ Hi leyи nyoka, sweswi hi leswi leswi nyoka a yi ri xi swona; ndzi ta mi nyika nhlamuselo ya mina ha yena.

¹⁵¹ Hi na...hi tile kusuka ehansi, kusuka eka xidula, ku ya ka xivuluvulu, ni kuya ehansi nale hansi, na *leswi-na-leswi*, ku fikela laha ekuheteleleni u fikaka eka nkawu, u ya eka chimpandise. Kutani kusuka eka chimpandise, sweswi ha tlula hi suka eka chimpandise hi ta eka ximunhu, kutani ha hlamatla leswaku hikokwalaho ka yini.

¹⁵² “Kumene,” sayense yi ri, “sweswi yimani! Hi nga ha hlanganisa ngati ya wansati na nkawu na kuya eka ‘pandze, kutani swi fambiswa xisweswo, ngati ya wanuna yi hlanganisiwa

na ya chimpandze." A swi nge tirhi. Ku yi hlanganisa na ngati ya swiharhi swin'wana; swi ngaka swi nga tirhi. Ngati yi ngaka yi nga hlangani; teka ngati ya wena, hinkwayo ka yona i ngati leyi yi nga hambana, hinkwayo ka yona.

¹⁵³ Ku na ngati yin'wani exikarhi lahwani, nakona va ngaka va nga xi kumi xiharhi. Oho, Haleluya, ndzi sungula ku titwa ndzi kateka sweswi. Xiyisisani. Hikokwalaho ka yini? Xikwembu xi va tumbeterile swona. Ku hava rhambu eka nyoka leri ri langutekaka ri fana na rhambu ra ximunhu. Xi vekile swilo ekule ngopfu leswaku swi nga voniwi hi vanhu lavo tlhariha.

¹⁵⁴ Kutani ndzi ya eku mi kombeni laha munhu yaloye wo ntlhariha a humaka kona, laha—laha a nga kona, hi ndlela yin'wana. Wa vona, a ngaka a ngatisi xiswona sweswo.

¹⁵⁵ Swi fanele ku ta hi nhlavutelo, "Hi Wena Kreste, N'wana wa . . ." "Ehenhleni ka ribye leri Ndzi ta aka Kereke ya Mina; kutani tinyangwa ta xivandla xa vafi ti ngaka ti nga yi hluli ku lwisana na yona," nhlavutelo wa ximoya. Xana—xana Abel u swi tivile njhani ku nyikela hi xinyimpfana xana, ematshan'wini ya Kayini a nga nyikela hi mihadzu ya nsimu? A kuri nhlavutelo wa ximoya eka yena. A wu wu kumi hi ti seminara. A wu wu kumi hi tidinominexini. U wu kuma wu huma eTilweni.

¹⁵⁶ Sweswi langutani nyoka, nyoka leyi a yi ri yo sungula. A hi pfapfarhuteni xifaniso xa yena sweswi. Hi yena nakulorhi lonkulu. U le xikarhi ka chimpandze na munhu. Kutani, nyoka; javulosi, Lusifa, u swi tivile leswaku kuna ngati yin'we ntsena leyi yi nga nhlanganaka na ya ximunhu, munhu a ri un'we ntsena loyi a nga tirhisanaka na yena. A nga ta swikota ku tirhisana na chimpandze, ngati yaleyo a yi nga ta hlangana. A nga ta swikota ku tirhisana na swin'wana swo hambanana. A nga ta swikota ku tirhisana na nyimpfu. A nga ta swikota ku tirhisana na hanci. A nga ta swikota ku tirhisana na xiharhi hambi xihi kumbe xihi; a fanele a tirhisana na nyoka leyi.

¹⁵⁷ A hi n'wi tekeni sweswi kutani hi n'wi vona leswaku u fana na yini. I nakulorhi lonkulu, xihontlovila xa khale ku nga si va na matimu. Kwalaho hilaha va nga kuma marhambu lawa lamakulu, kutani ndzi ta mi komba swona leswi eBibeleni. Sweswi langutani hi vurhon'wana. Swi kahle. Nakulorhi loyi lonkulu, a hi nge a—a ri magoza ya khume hi ku leha, na makatla lamakulu ngopfu; a languteka ntsena tani hi wanuna. Kutani ngati ya yena; endzhaku ka loko atava axikile, a nghena eka xiharhi xin'wana ku ya eka xin'wana. U nga ha hlanganisa rimbewu ra swiharhi. Kutani xi ta tshamela ro kuma ku tlakuka ka ngati, xivumbeko xale henhla xa vutomi, xivumbeko xale henhla, ku fikela laha a khandziyaka rifumu ra munhu. Kambe yutihlanganisi byo hetelela lahwani, exikarhi ka lahwani, ku tsemiwile kusuka. I vangani lava

va swi tivaka leswaku sayense a yi nge ku kumi ku lahleka ka mateло ya munhu xana? Hinkwenu ka n'wina ma swi tiva sweswo. Hikokwalaho ka yini? Hi loyi lahawani, nyoka. Hi leswi leswi yena a ri xi swona, nakulorhi lonkulu.

Kutani javulosi a xikela ehansi, sweswi, u ri, "Ndzi ta nhlonhlotelā."

¹⁵⁸ Sweswi, loko mi langutisa vavasati na swendlo swa vavasati, tsundzukani, mi na ntoto wa javulosi, (nakona a hi nsati loyi a nga wa wena).

¹⁵⁹ Lemukani, sweswi, javulosi u xikerile ehansi kutani a nghena eka nyoka. Kutani a fika a kuma Evha entangeni wa Eden, a nga ambalanga, kutani a vulavula hi muhandzu lowu wu nga exikarhi. Rito *exikarhi* ri vula "exikarhi ka," ni kuya emahlweni; ma switwisisa, eka nhlengeletano leyi yi katsaneke. Hiloko a ku, "Sweswi, wu sasekile. Wu navetisa mahlo." Xana u endlile yini? U sungurile ku rhandzana na Evha, kutani a tshama na yena, tani hi nuna.

¹⁶⁰ Kutani wansati loko a tava a swi vonile leswaku swi sasekile, kutani u yile a ya byela nuna wa yena, kambe seni a ri na vuyimani bya Sathani.

¹⁶¹ Kutani a ti tswalela n'wana wa yena wa matevula, laha vito ra yena a ri Kayini, n'wana wa Sathani.

"Sweswi," mi ri, "sweswo swi hoxekile."

¹⁶² Hi swona, hi ta swi kumisisa loko swi hoxekile kumbe swi nga hoxekanga. "Kutani Ndzi ta veka ku vengana exikarhi ka Mbewu ya wena na mbewu ya nyoka." Yini? Mbewu ya nyoka! Wansati a ri na Mbewu, na yona a yi ri na mbewu. "Kutani U ta faya nhloko ya wena, wena u ta N'wi luma xirhendze." Kutani ku *faya*, lahaya, swivula "ku endla Ndzivalelano." Sweswi lahaya hi yona "mbewu" ya wena ya nyoka.

Sweswi, lemukani, lahawani ku humile vavanuna lava mbirhi.

¹⁶³ Sweswi, nyoka leyi, loko yi tava yi yimile kwalahaya, nakulorhi loyi wa xihontlovila a yimile lahaya, a ri na nandzu wa ku endla vumbhisa na nsati wa Adam. Xana xidyoho xile kwihi namuntlha? I yini xi endlaka swilo swi va hi ndlela leyi swi nga xiswona namuntlha xana? Sweswi, ndzi—ndzi... Hakunene mi nga ha swi khoma leswi ndzi vulavulaka hi swona. Kutani kwalahaya swi kona.

Kutani loko a tava a swi endlile, Xikwembu xi teri, xi sungurile ku vitana Evha na Adam.

Hiloko a ku, "A ndzi ambalanga."

Kutani Xi ku, "I mani a nga ku byela leswaku a wu ambalanga?"

¹⁶⁴ Kwalaho va sungurile ku, hi fexeni ya vuthu, ku baja hi munhu un'wana. A ku, “Kunene, i wansati loyi U nga ndzi nyika yena, a nga swi endla. Hi yena loyi a ndzi kombeleke.”

¹⁶⁵ Hiloko wansati a ku, “Nyoka hi yona yi nga ndzi nyika apula”? Hi swona, muchumayeri, ti tshuneti hi wexe.

¹⁶⁶ Wansati a ku, “I nyoka leyи yi nga ndzi kanganyisa.” Xana ma swi tiva leswaku *ku kanganyisa* swivula yini? Swi vula ku “nyamisiwa.” Tani hilaha a ri ha kona. Javulosi a nga kalanga a n'wi nyika apula. “Nyoka yi ndzi kanganyisile.”

Kutani ndzhukano wu ta.

¹⁶⁷ Xi ku, “Hikuva u yingiserile nyoka ematshan’weni ya nuna wa wena, u tekile Vutomi lebyi humaka emisaveni. Kutani u ta engeteleriwa ku—ku xaniseka ka wena; kutani ku navela ka wena ku tava eka nuna wa wena,” na kuya emahlweni.

¹⁶⁸ “Hikokwalaho ka ku yingisela nsati wa wena, ematshan’weni ya Mina (Ndzi ku tekile kusuka entshurini; ka rixaka ra le henhla), u ta tlhelela entshurini.”

¹⁶⁹ “Kutani, wena nyoka, hikuva u endle sweswo, milenge ya wena yi ta susiwa. U ta famba hi khwiri ra wena, masiku hinkawo ya vutomi bya wena. Nakona u ta vengiwa. Kutani ntshuri ku tava swakudya swa wena.” Kwalaho mi nga kona. Kwalaho hi rona vangwa ra ku lahleka ka matele ya munhu.

¹⁷⁰ Sweswi lahawani ku ta Kayini. A hi hlaleleni ntumbuluko. Lahawani ku ta Kayini. Xana hi yena mani? A ri wanuna la tlhariheke wa mabindzu. A rima masimu. Wa malwandla, wa vutlharhi; wa vukhongeri, loyi a khongela; langutani—langutani swihlawulekiso swa yena sweswi. Ntsena fambani na mina timinetse tintsongo nyana hi ku leha.

¹⁷¹ Lahawani wa ta. Wa byi tiva vunene bya yena. Wa swi lava kuya ekerekeni. U n'wi akerile kereke, a n'wi endlela na nhlengo. A tisa na altari, na hinkwaswo. U akile na altari, a vekela swiluva swa yena ehenhla ka yona. A vekela nsimu, mihadzu yale nsin'wini, a yi nyikela eka Xikwembu. A ku, “Kwalaho U nga kona, Hosi. Ndza switiva leswaku hi dye maapula, sweswo hi swona swi swi vangeke.” Swin’wana swa swi ringanyeto swa yena a swi fana na muxaka wa mavonelo man’we. Swi komba laha swi humaka kona. U nghanisile maapula ya yena, lawa ya humaka ensin’wini, a ma tlhandleka kwalahaya, a ku, “Leswi swi ta endla leswaku hi rivaleriwa.”

Xikwembu xi te, “A ku ngari maapula.”

¹⁷² Kambe, hi nhlavutelo wa ximoya, Abel u swi tivile leswaku a kuri ngati. Swingaleswi u tisile xinyimpfana, xi tlhaviwile nkolwени, nakona xi file.

¹⁷³ Hiloko Xikwembu xi ku, “Sweswo hi swona. Sweswo hi leswi swi nga endleka. A kuri ngati.” Ma yi tiva ngati leyи ndzi vulavulaka hi yona. Hi swona. “I ngati leyи yi swi endleke.”

¹⁷⁴ Sweswi langutani. Kutani loko Kayini a tava a vonile ra makwenu wa yena wa muvumbuluki wa mukwetsimi loko ri tava ri amukeriwile emahlweni ka Xikwembu, kutani masingita na swihlamariso a swi ri eku tekeni ka ndhawu kwalahaya, u vile na mavondzo eka yena. A ku, “Hi ta yimisa swilo leswi sweswi.” Langutani eka vamakwavo va yena, langutani eka vana va yena, na namuntlha. “Sweswi, ndzi tlharihe kutlula hilaha yena a nga hakona,” hiloko a hlundzuka. Xana ku *hlundzuka* ku huma kwih? U nga kuvula ku hlundzuka kwaloko...? U dlayile makwenu wa yena. A ri mudlai.

¹⁷⁵ Xana u nga vula Xikwembu leswaku i mudlai? Nakona Adam a ri n’wana wa Xikwembu. Bibebe yi vula tano, leswaku, “Adam a ri n’wana wa Xikwembu,” masungulo ya lawa yo tengen yo sungula endzhaku kwalahaya. Adam a ri n’wana wa Xikwembu. Kutani mavondzo yalawa na rivengo, na hinkwaswo, swi ngaka swi ngati hi xinambyana xexo xo tengen.

¹⁷⁶ Swi fanele ku ta hi ndhawu yin’wana. [Thonsi leri ri ngariki na nchumu eka thepi—Muhleri.] Kutani xi ta hi Sathani, loyi a nga mudlai, ku sungula hi swona. Bibebe yi teri, “Hi yena muhembi ni mudlai, ku sungula hi swona.” Kutani kwalahaya swi tano. Kutani u dlayile makwenu wa yena.

¹⁷⁷ Kutani xexo a xi ri xifaniso xa rifu ra Kreste. Kwalaho, ehandle ka sweswo, hikuva, Xi pfuxile Seta exiyin’weni xa yena. Rifu, ku lahliwa, na ku pfuka ka Kreste.

¹⁷⁸ Kutani langutani, kwalaho, lahawani ku ta swihontlovila swa n’wina. Hiloko Kayini a ya etikweni ra Nod. Loko tata wa yena a ri xihontlhovila lexikulu, xana Kayini a ngava wa njhani yena? Tata wa yena. Kutani u yile etikweni ra Nod, kutani a teka un’we wa vamakwavo va yena va xisati.

¹⁷⁹ Yo va ndlela yin’we ntsena leyi a nga yi endlaka. A kuri hava vaxisati lava va nga taka, kambe ntsena hi Evha. Va vula leswaku a va ri na makume nkombo wa majaha na vanhwenyana. Loko-loko a ku ngari na vaxisati... Bibebe a yi nga tsali waxisati loko a tswariwa, ntsena vavanuna. Kutani loko, loko a ku ngari na waxisati handle ka Evha, loko a fa, rixaka ra ximunhu a ri ta hundza ri nga havi kona. A fanele kuva na vanhwenyana. Nakona a fanele ku teka makwenu loyi a nga wa yena wa xisati.

¹⁸⁰ U yile ematikweni ya Nod kutani a ya—a ya ti kumela nsati wa yena kona. Kute loko a n’wi tekile kwalahaya, kwalahaya hilaha va nga kuma swihontlovila leswikulu, laha akuri vana va Xikwembu lava va nga wa; lava va nga ta hi tata wa vona, a nga javulosi, ha Kayini. Kwalaho hilaha ku nga na vangwa leri lahlekeke ra matelo ya munhu.

¹⁸¹ Kutani langutisani mbewu ya nyoka. Sweswi langutani. Tsundzukani, mbewu ya nyoka i vukhongeri. Yi languteni

sweswi yi sungula ku famba-famba, hi timinetse tintsongo. Lahawani ya famba, mbewu ya nyoka. Xana ku humelerile yini eka vona? Sweswi mi nge ndzi hlaya swin'wana lahawani, ntsena ndzi swi tsarile enhlianini wa lowu.

¹⁸² Xana hi vahi lava va ngata hi layini ya Abel? Yingisani leswi. Hi swona. Ku tile Abel. Endzhaku ka Abel ku ta Seta. Endzhaku ka Seta ku ta Nowa. Endzhaku ka Nowa ku ta Sem. Endzhaku ka Sem ku ta Abraham. Endzhaku ka Abraham ku ta Isaka. Endzhaku ka Isaka ku ta Yakobo. Endzhaku ka Yakobo ku ta Yuda. Endzhaku ka Yuda ku ta Davida. Endzhaku ka Davida ku ta Kreste, eka ku hetiseka.

¹⁸³ Langutani endzhaku leswaku Moya wa Xikwembu wu tshame njhani eka Abel. Mi languta hilaha Wu nga tshamisa xiswona eka Seta. Mi languta hilaha Wu nga tshamisa xiswona eka Yuda. Mi languta hilaha Wu nga tshamisa xiswona eka Davida. Mi languta Moya wa luwa leswaku wu le ku vitaneni leswaku yi huma, kuya hi mbewu yaleyo yo lulama, eka ndlela hinkwayo ku ya ehansi. Swi ngari na mhaka leswaku va endle yini, a va hlawuriwe khale.

¹⁸⁴ Langutani eka Yakobo, thyaka ra... A ndzi vuli leswi hi ku sandza. Kambe Yakobo, munhu nyana loyi a ngari na profexini ya nchumu, loyi a nembelela a tshama a ri karhi a ti phutsa hi nceka wa mana wa kwe minkarhi hinkwayo; a tsutsuma-tsutsuma hinkwako, xifanyetana xo hanya vusati. A tivekela swilo, a famba a ya xisa tata wa yena, leswaku a kuma mikateko; kambe a yi nyikiwile yena ku nga si va na masungulo ya misava. I ntiyiso, swi endlekile.

¹⁸⁵ A huma a ya hembela mukon'wana wa yena wa xinuna; kutani a teka timhandzi ta mavalalava, timhandzi to duma, kutani a ti veka ematini, ku chavisa tihomu leti loko ti minthile; ku ti endlela leswaku tintswala tihomu ta mavalalava, swingaleswi a nga va xisa a va kumela tihomu. Xikwembu xi n'wi katekisile ha swona. Sweswo hi swona.

¹⁸⁶ Khombo eka loyi a nga ta vula swin'wana na swin'wana ha Yakobo. Ma tiva i yini—ma tiva leswi muprofeta wa mavunwa a swi vuleke... Kumbe, a profeta ntiyiso. Balaam, u teri, “Loyi a nga ta n'wi katekisa u ta katekisiwa, ni loyi a nga ta n'wi rhukana na yena u ta rhukaniwa.”

¹⁸⁷ “Ndzi teka wena, Yakobo. Ndzi n'wi kuma tani hi... tani hi le tikweni ra van'wana. Kutani tani hi gama loko ri pfuxa mavondlo ya rona, Ndzi n'wi pfuxile ndzi n'wi humesela ehandle.” Haleluya! “Ku ngari hi nyimpi, kumbe hi matimba, kambe hi Moya wa Mina, ku vula Hosi.”

¹⁸⁸ Langutani leswi swi tako ehansi eka ku hetiseka kwaloko. Moya wa lowo wu tirheke eka ku hetiseka ka Kreste, ehansi eka un'wana na un'wana wa va Patriarka, wu enhlela ehansi.

Swi ngari na mhaka leswaku va endlile yini, leswaku va vule yini, leswaku va endle yini, hi ku hetiseka a va ri mbewu leyi yi lulameke.

¹⁸⁹ Kutani, lahawani, loko Abraham la lulameke... A dzunisiwi! Oho, ntsena ndzi titwa kahle. Loko Abraham la lulameke a hlangana na Melkisedek, Loyi a ri Xikwembu hi Xoxe!

¹⁹⁰ Xana Melkisedek a ri mani? “Hosi ya Salema, laha ku nga Hosi ya Yerusalem, Hosi ya ku rhula. A ngari na tatana. A ngari na manana. A nga kalanga a va na masungulo ya masiku, kumbe makumu ya vutomi.” Leswi Yena A ri xiswona, Wa ha hanya. “A nga kalanga a tswariwa. A ngaka a nga fi. A nga kalanga a va na tatana kumbe manana. A nga kalanga a va na masungulo ya masiku, kumbe ku hela ka vutomi.” Ndzi byeleni leswaku a ri Mani. Xikwembu lexi nga Heriki; leswi hi swi vitanaka...

¹⁹¹ Oho, ndzi rivarile leswi mi swi vitanisaka xi swona sweswi. Miri wa tilo, hi leswi swi nga xiswona. Ntsena tani hi... Ku ngari munhu loyi a ngariki wa ntumbuluko; kambe ntsena swin'wana leswi swi tikombiseke. Tani hilaha A teke eka Abraham etendeni ehenhla lahaya, tani hi ntsumi, yi fika yi profeta, niku byela Sara leswi a nga hlekwa, endzhaku ka Yena, na kuya emahlweni. Nchumu, nchumu lowu wu fanaka.

¹⁹² Kutani lahawani A ri xiswona. U hlanganile na Melkisedek. Na kokwa... kokwa wa kokwana Abraham, eka mbewu leyi lulameke, a humesa vukhume eka Melkisedek; nakona swi hangalasiwile nale ka va tukulu xindhuva kwalahawani, yi nga mbewu leyi lulameke.

¹⁹³ Kutani lahawani ku ta mbewu ya—ya nyoka. Sweswi, tsundzukani, ku tava na rivengo, nyimpi exikarhi ka vona.

¹⁹⁴ Mbewu ya nyoka yi ta xikan'we kan'we, kutani yi tswarile yini? Sweswi a hi tekeni malembe nyana mantsongo yo sungula. Sweswi hi languta leswi nga humelela kwalahaya. Hi ta swi hlaya hi ya ehansi, hikuva ndzi swi langutisile. Mbewu ya nyoka yi tswarile Kayini. Kayini u yile etikweni ra Nod, a ya tswala swihontlovila, kutani hiloko va ta etikweni ra Nowa.

¹⁹⁵ A va ri na malwandla, vadyondzekile, vanhu lava tlhariheke. A hi swona sweswo? A va ri vaaki, vasunguri, va n'wa tisayense; va ngari va mbewu leyo lulama, kambe hi mbewu ya Sathani, wa nyoka. A va ri vavanuna lava a va languteka tani—tani hi va n'wa tisayense, na vaaki, na vavanuna lavakulu, swidyondzeki. Matsalwa ya vula tano. Va tirhile hi brasi. Vatirhile hi nsimbhi. Va tirhile hi swa nsimbhi. Va sungurile swilo. Va hlanganisile tinsimbhi to hambanana, kutani va aka tiyindlu, na kuya emahlweni. Matsalwa ya vula tano. Kutani a va ri vasandzi eka Mbewu ya wansati, Nowa, la lulameke. A hi swona sweswo xana? [Nhlengeletano yi ku, “Amen.”—Muhleri.]

¹⁹⁶ A hi va landzeleleni swintsongo nyana. Kutani, hi va kuma engalaveni, hinkwaswo a swi herisiwile. Va kumekile eka xirhendzevutani xexo xa vudyoho, kutani va tekile nawu, na malwandla na vutlharhi. Ku fikela, laha Xikwembu xi langutiseke ehansi, a ku nga ha salangi votala, swingaleswi Xi lo nghanisa Nowa na ndyangu wa yena engalaveni, kutani xi nisa mpfula xi herisa hinkwaswo. Xi tekela Enoko ehenhla, evokweni. A hi swona xana? [Nhlenegetano yi ku, “Amen.”—Muhleri.] Kwalaho a kuri mbewu hinkwayo, hinkwako a kuri mbewu; kambe xikongomelo xa Xona a xi fanele ku hetiseka.

¹⁹⁷ Sweswi, Nowa na vana va yena va xinuna, lava va humeleke ehandle, Kamu, Sem, na Yafet, va humile hi ntila lowu lulameke.

¹⁹⁸ Xana mbewu yi helele kwihi? Mbewu yi tile yi huma engalaveni, ntsena tani hilaha swi endlekeke hakona emasunguleni, hi wansati, vasati va vona. Va rhwarile mbewu ya Sathani, ku ya engalaveni; ntsena tani hi Evha loyi a rhwaleke mbewu ya Sathani, ku tswala Kayini, kuya hi wansati.

¹⁹⁹ Mi veka vavasati eka tiplatifomo ta n’wina leswaku va chumayela, Bibebe ya swi sola sweswo! Paul u teri, “Loko munhu un’wana na un’wana a ehleketa leswaku yena hi yena muprofeta, kumbe hambi hi ximoya, a swi tivi leswaku leswi ndzi swi tsalaka i milawu ya Hosi; kambe loko a nga yingisi, n’wi tshikiseni xisweswo.”

²⁰⁰ Hikokwalaho ndzi humeke eka kereke ya Baptist leyi yi nga lahawani. Makwerhu Fleeman a ri kwala ku ngari khale ngopfu; ndzi ehleketa leswaku a ri kwalahaya vusiku byebyo. Dok. Davis u teri, “U ta yima kwala u va xixima vavasati lava leswaku vachumayela.”

Ndzi ku, “A ndzi nga ta swi endla. Ee, hi mpela.”

A ku, “Kunene, ndzi ta ku hlongola.”

²⁰¹ Ndzi ku, “Ndzi hlongoriwe khale eka leswi swa kahle.” Ndzi ku, “Leri i Rito ra Xikwembu, nakona Ra swi sola swilo leswi. Nakona a ndzi nge khomelei eka leswi Xikwembu xi swi solaka.” Ee, nkulukumba.

²⁰² Un’wana na un’wana loyi a swi endlaka, va kombeta leswaku i vadyondzisi va mavunwa, vaprofeta va mavunwa. Bibebe yi teri va tava tano. “Va ta hambukisa na vona va hlawuriwa loko swi nga koteka.” Kwalaho mi nga kona.

²⁰³ Xiyisisani leswi sweswi. Kutani ku huma kwalaho, hiloko, ku ta Kamu, Kamu na nsati wa yena, na vona. A ri na ndzhukano lowu vekiweke ka yena. Kusuka eka Kamu ku ta Nimrod, loyi a akeke Babilona. Kusuka eka Babilona ku ta kereke ya Khatholiki, masungulo ya yona. Yi ta yi rhelela hi Akab. Ku ya hansi kusuka eka Akab, yi ya eka Yudas Iskariyota; yi ti vavisa, antikreste.

²⁰⁴ Kutani eka masiku lawa yo hetelela, hi lowu moya wa antikreste na Moya wa Kreste. Moya wa antikreste, wu ri, "Masiku ya masingita ya hundzile." Moya wa Kreste, wu ku, "Hi Yena tolo, namuntlha, na hilaha ku nga heriki." Moya wa antikreste wu ku, "A swi hambananga loko mi nga khuvula hi 'Tatana, N'wana, Moya lowo Kwetsima,' ku chela hi mati, ku haxa kunene, hambi ku ngava yini, swa ha vula xilo xin'we." Bibebe yi teri Xikwembu a xi hoxisi, nakona a Xi hundzuki. Xana n'wina mi ya tirhela mani? Swi le ka n'wina.

²⁰⁵ Sweswi mi ri, "Xana va nga tshama swin'we? Mi teri, leswaku, lahaya eka ngalava yaleyo, Makwerhu Branham, u na vona havumbirhi Kamu na Seta." Sweswo hi swona, hi swona hakunene. Kamu a ri lowo biha. Seta a ri loyi a khongelaka a tlhela a lulama. Hi swona.

²⁰⁶ A hi landzeleriseni Kamu. Swi lulamile, sweswi, ku na Kamu na Seta engalaveni yi ri yin'we; un'we la lulameke, na un'wana loyi a nga lulamangiki. A kuri na wukuwuku na tuva engalaveni yi ri yin'we. A kuri na Yudasi na Yesu eka kereke yi ri yin'we. A kuri na antikreste na Moya lowo Kwetsima ekerekeni yi ri yin'we.

²⁰⁷ Kutani, namuntlha, mimoya ya liya ya ha tirha. "Va na nghohe ya vukhongeri, va ri lava va khongelaka, kambe va na nghohe ya vukhongeri kambe va ala Matimba ya byona; kutani na vona u va fularhela." Moya lowo Kwetsima, wu koxa leswaku, "Yesu Kreste hi yena tolo, namuntlha, ni hilaha ku nga heriki." Xana mi wela kwihi?

²⁰⁸ Antikreste u ri *Leyi* ntsena yo va buku ya mikhuva. "Hi ta vuyisela Mikhuva ya Vaapostola." Ndzi ntihontlha muchumayeri un'wana na un'wana leswaku a ndzi byela laha hi kumaka Mikhuva ya Vaapostola eBibeleni: "Ndzi pfumela eka Xikwembu, Tatana wa Matimba hinkwawo, Mutumbuluxi wa matilo na misava; na Yesu Kreste, N'wana wa Xona. Ndzi pfumela eka Holy Roman Catholic Church, xilalelo xa vakwetsimi." Mi swi kuma kwihi sweswo a Bibeleni? Hambi swi ri tano mi tlhela mi swi vuyelerisa eka ti Methodist letikulu ta n'wina na tikereke ta Baptist. I tidyondzo ta javulosi, na vaprofeta va mavunwa va le ku ti dyondziseni.

²⁰⁹ Ndza pfumela leswaku a ndzi vavisi vutitwi bya n'wina, kambe ndzi pereta leswi eka tabernakele leyi. N'wina mi nga lahwani eka Tabernakele ya Branham, fambelani ekule na swilo sweswo. Xin'wana na xin'wana lexi pfumelaka eka xilalelo xa va kwetsimi xi endliwa xa ximoya. "Ku na muhlanganisi un'we ntsena exikarhi ka Xikwembu na vanhu, kutani yaloye i Wanuna Yesu Kreste." U ngavi na mhaka na leswaku i va Maria vangani va nga kwalaho!

²¹⁰ Languta leswi mbewu ya wansati yaloye yi swi endleke endzhaku? Languta leswi mbewu ya wansati yi rhwarisiweke xiswona kwalahaya?

²¹¹ Langutani namuntlha, eAmerika. Amerika i mbewu ya javulosi. Xana i yini? I tiko ra wansati. Mi swi twile, “Leyi i misava ya wansati.” Sweswo hi swona. I tiko ra wansati. Va tshamisisile maendlelo.

²¹² Ndzi yile lahawani, ku ngari khale ngopfu, eSwitzerland. Vavasati va ri... Un'we lontsongo, wansati wa Moya lowo Kwetsima a ku, “Ma swi tiva, loko ndzi nga ya eAmerika, va ri vavasati va na ntshunxeko.”

²¹³ Ndzi ku, “U nge ndzi ku byela laha swi yisaka kona.” Kutani ndzi sungurile ku n'wi byela.

A ku, “Oho, tintswalo, a ndzi lavi na nchumu eka sweswo.”

Ndzi ku, “Sweswo hilaha swi yisaka kona.”

Ma swi tiva, a va endlili swilo lahaya ku fana na leswi va swi endlaka lahawani.

²¹⁴ Xana i yini? Mi nge ndzi mi komba leswaku Amerika i wansati. Eka xingwece xa hina ku fanisiwile wansati. Xin'wana na xin'wana lexi nga lahawani i wansati.

²¹⁵ Ndzi byeleni, loko ku ngari na swilovekelo swo enela etikweni, ku tava na... Mi nga ha veka makume mune wa swilovekelo swi khomana edorobeni leri, kutani mi vekela tinghwavavani tinharhu, vavasati lava va langutekaka kahle lava va tisohasohaka exitarateni; va ta yisa mimoya yo tala etiheleni, hi kuva navela, krtlula swilovekelo leswi nga khomana na wena swi nga ha vekiwaka edorobeni. Sweswo hi swona.

²¹⁶ Xana i mani kwalaho? I wansati. A nga yini? Hi yena xikwembu nyana xa Amerika.

²¹⁷ Tekani van'wana va vatlangi lava va timuvhi ta khale; kutani va yima lahawani va tekile ka mune kumbe ka ntlanhu, va hanya na vavanuna vanharhu kumbe mune vo hambana hi nkarhi wun'we; kutani na tin'wana ta magazini leti ta va paluxa niku va byela, va va teka na swifaniso swa vona va nga ambalanga lahawani. Na n'wina swinhwenyetana swi vekeni tani hi xikombiso xa n'wina, (hikokwalaho ka yini?) hikokwalaho va mana wa n'wina ku ngasi va na n'wina, kumbexana, vakokwana va n'wina ku ngasi va na n'wina. Ma ku vona laha mbewu yaleyo ya nyoka yi tirhaka kona? Hakunene, yi tano.

²¹⁸ Kutani swi endlisiwi ku yini? Loko vubihi byi tlulela rixaka ra vukhume mune, ehansi ka nawu, xana a byi tava njhani vubihi loko a byi endzerile siku leri, loko mbewu ya la lulameke yi tirhile? Kutani Xikwembu xi teri ku ta fika nkarhi, loko Xi nga hungutanga ntirho xi wu komisa, a ku nga ta sala nchumu. Hi le nkarhini wa makumu. Hlotana na ku lulama vusiku lebyi; u famba hi madoroba!

²¹⁹ Oho, u ta kuma swirho swa tikereke swi ti tshembhele eka Baptists na Presbyterians, na tin'wana, tani hilaha swi nga vaka ha kona. Kambe va ha ri hava leswi va nga swi endlaka

na Xikwembu kutlula mpfundla lowu wu vekiweke eka tintangu ta gamboko. A va tivi nchumu ha Rona! Hinkwaswo leswi va swi tivaka i ku...Xana u Mukreste xana? "Ndzi Mukhatholiki." Xana u Mukreste xana? "Ndzi Mubaptist." Xana u Mukreste xana? "Ndzi Mupresbyterian." Xana u Mukreste xana? "Ndzi Mupentekostal." Sweswo a swi vuli nchumu eka Rona.

²²⁰ U Mukreste hikuva Xikwembu xexo, hi tintswalo ta Xona, xi ku ponisile. Kutani u tiva vu Xona. Kutani swin'wana swi ncicile vutomi bya wena, leswaku u hanya ku hambana. Kutani u xivumbiwa lexintshwa eka Kreste Yesu. Hakunene.

²²¹ Kambe ma ku vona laha ku nga na mbewu ya nyoka? Xana mbewu ya nyoka i yini? Vumbhisa. Ma landzelela xana? Vumbhisa na Evha. Xana ku humelele yini ha sweswo? I ncini xi nga swi tisa sweswo xana? Xana swi yini vusiku lebyi?

²²² Langutani endzhaku halahaya, malembe mantsongo lawa ya hundzeke, loko risimu ro sungula ri huma. N'wina vanhu va khale, loko ku...A va sungula va xopela tinsimu loko ti ngasi tlangiwa eka xiya na moya. Kutani ro sungula ri huma, a ri ku, "Roll'em, vanhwana, roll'em, u ri karhi u kombeta matsolo ya wena yo saseka," na hinkwaswo swo fana na sweswo. "U hleka tatana na manana, kutani u va nyika hinkwavo va 'ha-ha-ha!'" Rero i ro sungula va nga ri pfumelela ri rhetemuka. Mi ehleketa leswaku munhu loyi a nga ri tsala risimu leri u le kwihi madyambu lawa? U file.

²²³ Mi ehleketa yini hi Clara Bow, loyi a nga humelela ro sungula a ku, *Mifuku ya Khombo*; na kuhluvula kwaloko ku rhumerile magidi ya mimoya etiheleni? Xana miehleketa leswaku wansati yaloye u le kwihi vusiku lebyi? U fe khale. Xana u le kwihi, na miri walowo wa yena? Wu nga pavalala halahaya, a bola entshurini, kutani swivungu na tinsumbha swi titlonya hi wona. Kutani moya wa yena wu le mahlweni ka Xikwembu lexi lulameke.

²²⁴ U kwihi wanuna loyi a nga teka vavasati a va endlela tinguvu to hlakala to thyaka a va ambexa, a va sukumetela ehandle endleleni na lavan'wana, kutani ti nga va ringani? A ku, "Xana a va swi endlela yini? Xana hikokwalaho ka yini mi ambala swilo swa muxaka lowu?" Hikuva mi lava leswaku vavanuna va mi langutisa, nakona a ku na ndlela yin'wana ya ku swi khorwisa.

²²⁵ Kutani ma swi tiva leswaku loko mi endla sweswo, mudyohi un'wana wa khale u mi langutile, ma swi tiva leswaku ku humelela yini? Eka Xitshamo xa ku Avanyisa... U ta ku, "Makwerhu Branham, ntsena ndzi tshembhekile eka nuna wa mina tani hilaha ndzi nga swi kotisa xiswona." U ta hlayeriwela nandzu wa ku oswa. Yesu u teri, "Un'wana na un'wana loyi a langutaka wansati hiku n'wi navela u n'wi

oswini embilwini ya yena.” Loko wanuna yaloye a ha fanele hi ku tihlamulela eka ku endla vuoswi, xana i mani loyi a nga tava a lo swi vanga? Hi ndlela leyi u ambarisaka xiswona ni leswi u tikombetisaka xiswona wena n’winyi.

²²⁶ Sweswi, a ndzi vuli leswaku mi fanele ku ambala swin’wana tani hi swin’wana swa bokisi ra xikhale. Kambe, u nga ha languteka swinene tani hi manana.

²²⁷ Kutani mi famba ehandle lahawani mi hluvurile, na swi xotani swa n’wina swo koma, mi tlhela mi boha nyana xirhibonani xi rhendzeleka hi xona tani hi sweswo; na n’wana wa wena na mahlo ya yena i ngaku i xo zuzela fole, na sigarete leyi yi nga enon’weni wa wena, u ri karhi u famba exitarateni. A wu swi endli hi xikongomelo xa kahle. U nga hava u ri kahle eka mhaka, kambe javulosi wa ku tirhisa tani hi xitirhi tani hilaha a swi endleleke Evha.

²²⁸ Hikokwalaho ka yini ri ri tiko ra wansati? Hikuva ra rhangela ri yisa eka xidinominexini xa Vukhatholiki. Swi njhani namunlhia? A wu nge va twi va vulavula hi Yesu. “Hi losa Maria! Maria, mana wa Xikwembu! Mukwetsimi Cecilia!” Tinxaka hinkwato ta vakwetsimi, vakwetsimi lava nga fa. Lahawani ku ngari khale ngopfu, ehansi e... .

²²⁹ A ndzi ri ehansi eMexico, n’waxemu. Lahawani ku tile wansati wa xisiwana, a ri eku tikokeni. Matsolo ya yena, ma dzidziharisiwile tani hi sweswo, kutani a tumbela; a ri ekurileni, kutani a rhwarile na mavoko ya yena. Kutani tatana a ri karhi a famba hi kwala tlhelo, a tlakurile vana vambirhi, va ri ekurileni; manana a ri maxangwini hi ndlela leyi; hikokwalaho ka wansati un’wana, loyi a va n’wi vitana mukwetsimi, a feke. Kutani a va ri na xifaniso xa yena ehenhla lahaya exigangeni. Murhandziwa un’wana u n’wi dlayile. Kutani tani hiloko a dlayiwile tani hi sweswo, hikuva, a ri mukwetsimi; a ri wa Khatholiki. Kutani a ri ekufambeni, kuya eku pfumeleni; kutani a fanele ku ti koka kuringana timayilli timbirhi, eka maribye ya khobule, leswaku a ya hundzuka.

²³⁰ Makwerhu, loko kuri na xilo xin’we lexi ndzi nga xi endlaka, Yesu Kreste u hi fele swa hava. Tintswalo, ti ndzi ponisile; kutani ku ngari hi—hi vumina, kambe hi ku rhandza ka Xikwembu, na hi vunene bya Xikwembu.

²³¹ Na vona va mahungu va ndzi vutisile, va ku, “Nkul. Branham...” N’wa—n’wa n’wana, n’wana loyi a file u tlhele a hanya, na swin’wana swintsongo kwalahaya. Makume nharhu wa magidi ya Makhatholiki... Ee, ndzi khomeleni. A kuri makume mbirhi wa magidi. Makume nharhu wa magidi a kuri eAfrika. Makume mbirhi wa magidi ya Makhatholiki va amukerile Kreste tani hi Muponisi wa vona, hi nkarhi wun’we, loko sweswo swi humelerile, ndzi yimile eMexico City. Kutani vaprista lava, a va nga ta vula nchumu; swo tala, va sungula

madzolonga. A ku ri na van'wana votala etlhelo. Kutani a ku, "Nkul. Branham, wa pfumela leswaku vakwetsimi va hina va nga swi endla swo fana na leswi wena u swi endlaka xana?"

²³² Hi ku tiva dyondzo ya vona, ndzi ku, "Hakunene, loko va ri eku hanyeni." Wa vona? Swingaleswi, u ngaka u ngavi mukwetsimi wa Mukhatholiki ku fikela laha u faka, ma swi tiva.

Hiloko a ku, "Oho, a wu ngavi mukwetsimi ku fikela laha u faka."

²³³ Ndzi ku, "Xana u swi hlaye kwihi sweswo? Paul u teri, 'Eka vakwetsimi lava a va ri eEfesa,' na vona lava a va vitaniwile hi Xikwembu. 'Eka vakwetsimi lava va nga eEfesa,' a ri eku hlayeni ka papila ra yena; na vakwetsimi lava a vari eka tindhawu tin'wana, eGalatiya, na—na 'vakwetsimi va le Rhoma,' na kun'wana. *Vakwetsimi*, 'lava kwetsimisiweke.' Sweswo swona ke?"

²³⁴ A ku, "Hikuva, sweswi, a hi fanelanga ku phikizana hi Bibele. Hikuva, hi kereke, na leswi kereke yi swi vulaka. A hi na mhaka na leswi Bibele yi swi vulaka. Hi leswi kereke yi swi vulaka." A ku, "Xana hi yihi miehleketo ya wena hi kereke ya Khatholiki?"

²³⁵ Ndzi ku, "Ndzi tsakela leswaku loko a wu nga ndzi vutisisanga sweswo. Hikokwalaho ka kuva u ndzi vutisile, kutani ndzi ta ku byela Ntiyiso."

A ku, "Kunene, ndzi ku lava u ndzi byela Ntiyiso."

Ndzi ku, "Xivumbeko lexikulu xa ximoya ndza xi tiva."

A ku, "U swi kuma njhani sweswo?"

²³⁶ Ndzi ku, "Xin'wana na xin'wana lexi xi khongelaka na vafi i ximoya." Ndzi ku, "Loko mukwetsimi yaloye a hlamlula, hi leswaku u le tiheleni. Hikuva, lava va tsemekanyaaka ndlela yaleyo, Bibebe ya—ya mina yi teri a ngaka a nga ha vuyi." Sweswo hi swona. Hiloko ndzi ku, "Loko swi ri tano, loko a ri mukwetsimi; i javulosi a vulavulaka tani hi mukwetsimi, nakona a hi mukwetsimi, endzhaku ka hinkwaswo."

²³⁷ Hiloko a ku, "Kunene, sweswi, yima nyana." A ku, "U khongela na vafi, na wena."

Ndzi ku, "Kwihi?"

A ku, "Yesu Kreste u file."

²³⁸ Ndzi ku, "Kambe U pfukile nakambe. A nga fanga. Kambe Wa hanya, leswaku a hi khongelela, kutani hi yena ntsena muhlanganisi exikarhi ka Xikwembu na vanhu."

²³⁹ "Hi Mina loyi A file, kutani ndza hanya nakambe, nakona ndzi ta hanya hilaha ku nga heriki. Ndzi na swikhiya swa rifu na tihele." "Loyi a swilavaka, n'wi pfumeleleni a ta nwa mati ya Vutomi a tshuxekile." Mina! Xexo i Xikwembu xa hina. Xexo i Xikwembu xa hina.

²⁴⁰ Kutani mbewu ya lowo lulama yi humile. Vulavula na vanhu hi swilo leswi. Vulavula na vanhu hi ku tlhelela endzhaku eka ndlela ya Bibele. Vulavula na vanhu hi masingita. Vulavula na vanhu hi sweswo. "Kereke ya vona a yi Ri pfumeli," swingaleswi i vana lava hungukiweke, eka Xikwembu. Bibele yi ri loko hi nga rhwali ku xaniseka, na miringo, swisolo, kutani hi vitaniwa "va vumbuluki vo kwetsima" na swin'wana, swo fana na sweswo; loko mi nga swi yimeli, mi vana lava hungukiweke, kutani ku ngari vana va Xikwembu. Bibele yi vula tano.

²⁴¹ Ndzi vitane "muvumbuluki wo kwetsima," loko u swi lava. Ndzi vitani leswi u swi lavisaka xiswona. Ntsena loko mbilu ya mina yi ri kahle na Xikwembu, na ntokoto wa mina wu fambelana na Bibele ya Xikwembu, ndzi le ku fambeni hi ku kongoma kun'we na yona. Ina, nkulukumba. Sweswo hi leswi hi swi pfumelaka. Yaleylo i Kereke ya Xikwembu lexi hanyaka, leyi yi nga tiki hi ntivo-vukhongeri. A yi ti hi leswi endliweke hi munhu, hi ku tatiwa hi vutlharhi. Swi ta hi ku hetiseka ka ku hlavuteriwa ka Ntiyiso ka leswaku Yesu Kreste i N'wana wa Xikwembu.

²⁴² Loko ndzi tatiwile hi vutlharhi, hikokwalaho ka kuva kereke ya Baptist kumbe kereke ya Methodist yi ndzi dyondziseke leswaku swilo swo fana na *leswi-na-leswi*; loko ndzi twa Bibele leyi, loko Bibele... Loko ndzi khuvuriwile hi vito ra "Tatana, N'wana, na Moya lowo Kwetsima," na ku hlaya Bibele leyi, kutani muchumayeri un'wana u ndzi byele leswaku ku hava na un'we eBibeleni loyi a nga tshama a khuvuriwa handle ka Vito ra Yesu Kreste, kutani ndzi yi hlayile na ku swi vona leswaku i Ntiyiso, ndzi nga nghena ematini hi xihatla hilaha ndzi nga kotaka ha kona. Ina, nkulukumba.

²⁴³ Loko un'wana a ndzi byerile leswaku—leswaku Yesu Kreste i muhanyisi lonkulu; nakona kereke ya mina yi ndzi byela leswaku, "Masiku ya masingita ya hundzile," nakona ndzi ri na xilaveko xa ku horisiwa; ndzi nga tsutsuma ntsena hilaha ndzi nga kotaka ha kona, ku ya eka altari yaleylo; ku ya hanyisiwa. Ndzi na ntiyiso wa leswaku ndzi nga swi endla.

²⁴⁴ Loko ndza ha ri muchumayeri, kutani ndzi va na—na muchumayeri wa xisati ephulphitini ya mina, nakona ndzi hlaya eBibeleni kutani ndzi vona leswaku wansati a nga fanelanga ku chumayela, ndzi nga n'wi susa a suka kwalaho, loko swi nga ndzi tumbelelanga enhlaneni wa mina.

²⁴⁵ Kutani tsundzukani, ku tshama endzhaku laha Sesi Wright a nga kona, vusiku byin'wana, leswaku wansati yaloye a ya eku ndzi hlongoleni hikokwalaho ka ku endla swin'wana swo fana na sweswo. Ina, nkulukumba. Ndzi ku, "U nga ti ekerekeni ya mina na swa wena swa xikhale..." Loko va ha toloverile ku ambala, kumbe ku tsema swiambalo swa vona ehansi hi ndlela

leyi, na maendlelo ya lawa yo hlekisa, nakona xiphemu xa miri wa vona xi sala ehandle. Ndzi ku, "Loko vo ringeta va ta ekerekeni ya mina, hakunene ndzi ta va hlongola." Na un'wana wo dyuhala nyana wa swiambalo leswi tsemeke swo koma, u file ku ngari khale ngopfu endzhaku ka sweswo; nakona u ndzi vitanile, loko a ri ekufeni. A ri nhwana wa Mukhatholiki, a famba ehenhla lahayu niku tshama ehansi hi ndlela yaleyo. Ndzi langutile endzhaku kutani a ndzi vilela ha yena, a tshamile ehenhla lahwani, kutani a va ri ekuyimbeleleni. Ndzi hluvurile baji ra mina, ndzi ya endzhaku kwalahaya, ndzi fika ndzi n'wi tlhandleka rona emakatleni ya yena. Ndzi ku, "Manana, loko u lava ku ndzi yingisela loko ndzi chumayela, ndzo kombela leswaku u ambala baji leri loko wa ha ri ekerekeni ya Xikwembu." Wa vona? I ntiyiso.

²⁴⁶ U humile kwalahaya hi ku phaba, a yimise milomo ya yena. A huma emuakwini. A ku, "Loko a ri na vukhongeri, a ndzi nga ta pfumelela homu ya mina yi va na muxaka walowo wa vukhongeri."

Ndzi ku, "U nga vileli, a ngevi na byona."

²⁴⁷ Kutani hi vile na tende, va ndzi vitanile loko a ri ekufeni. A ri na vuvabyi bya mbilu, nakona a ri ekufeni. Nuna wa yena u tile. Yena a ku, "Xana u nga swikota xana, tana hi ku hatlisa!" Nakona a ndza ha ri enhlengelatanwini. Lerikulu, jaha ro leha, ri yimile enyangweni, a ndzi yimerile. Kutani ndzi tsutsumile tani...

²⁴⁸ Ndzi nghenile emovheni wa mina kutani ndzi tsutsumela kwalahaya. Tani hiloko ndzi tava ndzi fikile kwalahaya, ndzi hlanganile na muongori wa khale kwalahaya, loyi a tshama ehansi eHoward Park, kwalaho. U teri, "Mufundhisi, a swi nga lavi u kala u ta." Sweswo swi ve swa kwalomu ka malembe ya makume mbirhi lama hundzeke, kumbe ku antswa nyana. A ku, "U file." A ku, "A file kwalomu ka timinetse tinharhu leti hundzeke." A ku, "U huwelerile hi ku tika hilaha a nga kota ha kona, a huwelela wena." A ku, "Ndzi na xileriso xa wena."

A ku, "Yini?"

²⁴⁹ A ku, "Byela muchumayeri yaloye, leswaku leswi ndzi nga swi vula, 'A ndzi rivalele.'"

²⁵⁰ Ndzi yile ehansi lahayu ku ya n'wi vona. Wansati wo saseka; kutani u xanisekile swinene. A ri na ntoni wu tsongo exikarhi ka nhompfu ya yena; wansati wo xonga. Kutani mintoni, a yi languteka tani hiloko, yi humele ehandle. Kutani mahlo ya yena a ma nghene endzeni, kutani exikarhi ka ku tlhelela endzhaku. Hikokwalaho ka, marhumbu na tinsu ta yena swi nga wachuka, kutani ku nuhwa a ku twala hinkwako ehenhla ka mubedwa, tani hi sweswo.

²⁵¹ Kutani nuna wa yena a ndzi languta, a ku, "Makwerhu Branham, endla xikhongelo, hikuva a lavile ku ku vona."

Ndzi ku, "Ku n'wi khongeleta sweswi a swi nge he pfuni nchumu."

²⁵² "Hi ndlela leyi nsinya wu mirisaka xiswona, hi leswi wu wisaka xiswona." Wa vona? "Mi nga xisiwi; Xikwembu a xi vungunyiwi. Xin'wana na xin'wana lexi munhu a xi byalaka, u ta tshovela swona."

²⁵³ Ma swi vona laha swi nga kona? Swingaleswi ku humelele yini? Langutani wansati leswi a nga swi endla. Langutani vavasati leswi va hanyisaka xi swona endzhaku halahaya, nhwana wa tikhораси, xana a ri mani n'wana wa yena? Mulengalengi. Xana i mani n'wana wa mulengalengi wa wansati loyi? Muntshwa wa rock-and-roll. Xana nhwana wa yena u tava wa njhani? Ham! Xana i yini?

Ma yi vona mbewu ya lowo lulama?

²⁵⁴ Langutani eka n'wina Mabaptist. Tlhelelani nyana endzhaku nyana. Tlhelelani endzhaku eka John Smith, musunguri wa n'wina, n'wina Mabaptist. Loko, a khongeleta ku homboloka ka vanhu, ku fikela laha, a rilaka a khongeleta vanhu ku fikela laha mahlo ya yena ya mpfimbaka ya pfaleka, kutani nsati wa yena a fanele ku n'wi dyisa etafuleni, ku n'wi fihlurisa.

²⁵⁵ Na n'wina Mamethodist n'wina mi nga lahwani, na swingwavila etinhompfini ta n'wina nale tindleveni ta n'wina, kutani mi languteka tani hi xitshamo xale tlheloxa javulosi; na ku ya ehandle, mi ambale swo koma, na swin'wana swo fana na sweswo! Loko, mudyuhari John Smith, un'wana wa vakulukumba va kereke ya Methodist, loko a nga si fa a ri na makume nhungu-ntlhanu wa malembe hi vukhale, u chumayerile nchumayelo wo koma ku ringana lembe... tiawara ta mune. Kutani a va fanele ku n'wi rhwala va ya n'wi tshamisisa ephulphitini. Kutani hi lawa marito ya yena yo hetelela. U teri, "Ndzi hlamarisiwile hi swendlo swa kereke ya Methodist." A ku, "Hambi ku ri vanhwanyana va kereke ya Methodist va ambala swingwavila swa nsuku etitihweni ta vona." A ta vula yini sweswi, na swo koma leswi nga ambariwa, va yimbelela nale khwayereni?

²⁵⁶ A mi tsutsuma kahle. Xana ku humelele yini? Mi na ma endlelo ya mana wa n'wina. Sweswo hi leswi swi nga swona.

²⁵⁷ Xexo hi xona xivangelo xa kuva hi ngayi lavi na yin'we ya tikereke ta mavito leti tinembelelaka ku rhendzeleka hi leswi, eka, kumbe yi peretiwile lahwani: "Hi Mamethodist. Hi Mabaptist." Hova va Kreste ntsena. Swi tshike hi ndlela yaleyo, u ntshunxeka.

²⁵⁸ Sweswi, ma yi vona mbewu ya nyoka xana? Xana wansati a ngava phekisi yaleyo njhani yi nga ehandle? Xana sweswo swi nga endla yini xana? Yini? Va ya emahlweni, va rhelela va ta. Va sukumetela Baptist endzhaku, va sukumetela Methodist

endzhaku, va sukumetela Presbyterian endzhaku. Xana va endla yini? Hinkwavo va tlhelela endzhaku, tani hi mana wa vona, muoswi wa khale. Kwalahaya hinkwavo va tano, va endla vuoswi byin'we. "Kunene, a swi kali swi hambana. Va petiwile. Va haxiwa. Vona, va tile, va ta tivula. Va tekile tinhweti ta ntsevu ta ku tibasisa; a va kalanga va nwa ngopfu hi nkarhi walowo, na swin'wana. Va ti endlile swirho leswinene. A va humesa kahle eka . . ." Oho, mina! Sweswo a swi hlangani helo na mihandzu ya Moya.

²⁵⁹ Mihandzu ya Moya i "ripfumelo," ku pfumela leswaku Yesu Kreste hi yena tolo, namuntlha, ni hilaha ku nga heriki; "rirhandzu" eka vamakwerhu; "ntsako, ku rhula, ku tiyisela, vunene, ku titsongahata, ku kondzelela, ku xixima, vutikhomu." Hi yona yaleyo, mihandzu ya Moya.

²⁶⁰ Kutani hi teka munhu, "Kunene, leswaku u—u hanya vutomi bya kahle na vaakelani." Swingaleswi na Esawu u swi endlile.

²⁶¹ Esawu a nga kalanga a vavisa munhu na un'we, nakona Esawu a ri wa javulosi; kambe Yakobo, loyi a huma eka xivelekelo xi ri xin'we, a ri wa Xikwembu. Mbewu ya javulosi; Mbewu ya wansati, Mbewu ya Xikwembu yi ta ha yena.

²⁶² Sweswi, ma swi vona, hinkwaswo swi yile ehansi eka leswi, hi swihi swi siyeriweke misava namuntlha? Ndzi ya vula leswi hi ku tikisela, hi swi yisa ehansi, kutani hi ta sungula mpfuxelelo endzhaku ka leswi, eka nhlengeletano leyi taka. Yi fanele yi va na xivumbeko. Nakona, ndza kombela, a ndzi vuli leswi hi ku sandza. A ndzi vuli leswi hi leswaku swi vula sweswo. Swi kumile ndhawu, eka lowukulu, ntlawa wa vukhongeri lebyi nga hungukiwa, vana va swihunguki. Hi lawa marito ya mina yo hetelela. Ya lawa hi wona hakunene-nene ma taka kona. Ma swi tiva leswaku ya lawa i ntiyiso. Ma ta endhawini ku fikela laha va vaka vajoyini va kereke na swirho swa kereke, "Va na nghohe ya vukhongeri, kambe va ala Matimba ya byona," ku fikela laha byi taka eka ntlawa wa vukhongeri, vana lava va nga hungukiwa. Sweswo hi swona leswi swi nga xiswona.

²⁶³ Ku sale yini xin'wana? Ku na rhokete yi nembelelaka halahaya, hi vunyingi bya tona, tibomo ta khobalt na swin'wana na swin'wana. Ntsena ti yimerile awara yaleyo leswaku yi fika. Kutani ku tava na ku hlasela hi ndzilo, tani hilaha akuri hi mati.

²⁶⁴ Kutani, vanghana, hambi mi endla yini kumbe yini, loko mi ri Vakreste nakona mi ri na Xikwembu etimbilwini ta n'wina, nakona mi swi tiva leswaku mi hundzile eka rifu mi ya eka Vutomi, mi fanele mi va vanhu lava va tsakeke ngopfu emisaveni hinkwayo. Loko Moya lowo Kwetsima lowu nga ka n'wina . . .

²⁶⁵ Loko, Bibele yi ku, “Yesu Kreste hi yena tolo, namuntlha, ni hilaha ku nga heriki.”

²⁶⁶ Tikereke ta mavito ti ri, “Kambe hi pfumela leswaku masingita ma hundzile.”

²⁶⁷ Moya lowo Kwetsima wu ri, “Amen. Yesu Kreste hi yena tolo, ni hilaha ku nga heriki. A swive tano.”

²⁶⁸ Loko Bibele yi ku, “Hundzukani, kutani mi khuvuriwa un’wana na un’wana wa n’wina hi Vito ra Yesu Kreste leswaku mi ta rivaleriwa swidyoho swa n’wina, mi ta amukela Moya lowo Kwetsima. Hikuva xitshembhiso xi le ka n’wina, na vana va n’wina, ku ya fika eka Vamatiko, na lava va nga ekule na swona, tani hi vunyingi tani hilaha Hosi Xikwembu xa hina—tani hi vunyingi tani hi Hosi Xikwembu xa hina xi nga ta vitana.” Wa vona? (Ku ngari leswaku, “hi vunyingi tani hi ku vitaniwa ka Mamethodist, ku vitaniwa ka Mabaptist.”) Kambe, “Hi vunyingi tani hilaha Hosi Xikwembu xa hina xi nga ta vitana, va ta amukela Moya lowo Kwetsima lowu, kutani va khuvuriwa hi Vito ra Yesu Kreste.” Hi leswi Bibele yi nga swi vula.

Loko sweswo swi mi ba, mi ku, “Amen.”

Kereke yi ku, “Oho, a swi kali swi hambana.”

²⁶⁹ Kambe Moya lowo Kwetsima lowu wu nga eka n’wina, wu ri, “amen” eka Rito ra Yena. “Munhu a ngaka a nga hanyi hi vuswa ntsena, kambe hi Rito leri humaka enon’weni wa Xikwembu.” Kwalaho mi nga kona.

²⁷⁰ Ndzi mi lava mi ndzi komba Tsalwa rin’we laha ri nge apula ri sungurile swilo leswaku swi ya emahlweni sweswi. Ndzi mi lava mi ndzi komba laha va nga dya maapula. Ndzi mi kombile laha Kayini a ehleketeke swo fana, ni laha mbewu ya yena ya ha ehleketa swo fana na sweswo.

²⁷¹ Kambe nhlavutelo wa ximoya wa Xikwembu wa swi khorwisa, hi Bibele, leswaku a kuri timhaka ta masangu exikarhi ka wanuna na wansati, swi ngari enawini. Kwalahaya hilaha swihontlovila swa n’wina swi humaka kona. Kwalahaya hilaha vudyoho bya n’wina byi humaka kona. Kwalahaya hilaha ku onhaka ka n’wina ku humaka kona. Hi yona mhaka swi huma kwale hansi.

²⁷² Sweswi xiyisisani hinkwaswo leswi—leswi, langutani, nyo—nyo nyoka a yi ri na vutlharhi ha kambirhi. Mbewu ya yena hakanyingi yi tlharihile ha kambirhi. Kutani ndzi tsakela ku tlulela ehenhla eka phulphiti leyi ndzi khomelela makhrifoni leyi evokweni ra mina, [Makwerhu Branham a fambisa-fambisa makhrifoni—Muhler], kutani ndzi tlhandleka milenge ya mina ehenhleni ka phulphiti leyi, kutani ndzi vula leswi. Kutani, namuntlha, byi kwihi vutlharhi bya wena? Mufundhis wa wena loyi a nga ya ehansi kutani a

va na vutlharhi byo tala bya vutivi, kutani a yima; hi yena mufundhisi wa tikereke letikulu ti nga kona etikweni, na swin'wana swo fana na sweswo. Xana mbewu ya nyoka yi yime kwih? Eka tindhawu ta lavo tlhariha tani hi teto; vo tlhariha, vadyondzi vo tlhariha. Kwalaho hilaha a nga kona. Kwalaho hilaha a nga tshama kona.

²⁷³ “Ku ngari hi nyimpi, ku ngari hi matimba, kambe hi Moya wa Mina, ku vula Hosi.” Wa vona? Kwalaho hilaha u nga kona...

²⁷⁴ Kutani u teka makwerhu nyana lontsongo wa jaha a yimile ekhoneni, a ri ekurilene a humese na mahlo ya yena, kumbexana a yimile lahaya a ri eku chayeni ka katara ya khale, a ku, “Makwerhu, tana, u ta kuma Hosi!”

²⁷⁵ Mufundhisi a hundza hikwalaho, a ku, “Haa! A wu na nhlengeletano ya mina... Hikokwalaho ka yini, a ndzi nge tihlanganisi, a ndzi nge pfumeleli va... a ndzi nge pfumeleli Liddy na Johnny na vona leswaku va ni vona endhawini yo tano.” Yana emahlweni, mbewu ya javulosi, u kongomile laha u yaka kona laha ku nga Heriki, hi mukhuva wun'wana. Sweswo hi swona. A ndzi tava ndzi vurile rito rin'wana lahaya, kutani ndzi ku, “vana vo hungukiwa,” kutani sweswo swi hilaha swi nga kona. Tani hi, ma swi vona, ma...

²⁷⁶ “A kuna munhu loyi a nga taka eka Mina handle ka loko Tatana wa Mina a n'wi tshuneta. Kutani hinkwavo lava taka ka Mina, Ndzi ta va pfuxa hi siku ra makumu. Ku hava loyi a nga ta lahleka. Ndzi na swona. Ndzi ta swi hlayisa. Kuhava munhu loyi a nga swi endlaka, handle ka Leswi.”

²⁷⁷ Hinkwaswo swile ka Yena. A wu nge vuli i ku, “Ndzi endlile xilo xin'we.” I tintswalo ta Xikwembu leti ti swi endleke hinkwaswo. Swingaleswi, ku hava lexi ndzi xi endleke. A ndzi kalanga ndzi va na lexi ndzi nga xi endlaka; u hava, hambi swi ri tano. A wu ringanelanga ku kuma xilo xin'we. Xikwembu xi endlile xin'wana na xin'wana xa swona. A wu kalanga u tshambhuluta na rintiho ra wena eka xiave na xin'we xa swona. A wu kalanga i ku, “Kunene, ndzi huma endyangwini wa kahle. Ndzi endlile leswi.” Sweswo kuhava leswi swi nga swi endlaka ha swona. Xikwembu hi Xona Lexi xi swi endleke; tintswalo ta Xikwembu.

²⁷⁸ Ndzi rivaleleni sweswi, a hi awara ya khume n'we, kambe ndzi ya eku pfaleni, hi ndlela yin'wana. Wa vona?

²⁷⁹ I vangani lava twisisaka leswaku loko Bibele yi vulavula hi swilo leswi leswaku i Ntiyiso; n'wina vanhu va Branham Tabernakele, ngopfu-ngopfu? [Nhlengeletano yi ku, “Amen.”—Muhler.] Sweswi, sweswo hi swin'wana swa kwalomu ka dzana na khume ntsevu wa leswi hi swi dyondziseke niku swi pfumela. Kambe, tsundzukani, eka n'wina lava yimeke, ndzi nga ha vula leswi, n'wina vanhu lava

ntsena mi taka lahwani mi ngari swirho. Hi ndlela leyi hi pfumelaka ha yona leswi, leswaku *Leyi* i Bibele, nakona Bibele i Ntiyiso wa Xikwembu.

²⁸⁰ Kutani ha pfumela, leswaku, eka Testamente ya Khale, sweswi, a vari na ndlela yo tiva leswaku i ntiyiso na leswi swi nga riki swa ntiyiso.

²⁸¹ Sweswi, ha switiva hinkwerhu leswaku a vari na nawu lowu nga tsariwa. I vangani lava va swi tivaka sweswo? Nawu, ku—ku lerisa a kuri eka areka, na kuya emahlweni; hi swona, kutani nawu wa milawu. Wu teri, “U nga tshuki u oswa. Loyi a endlaka vuoswi a khandliwa.” Wa vona? Xexo a—a ku ri xileriso, kutani nawu eka ku lerisa. Sweswi, areka a yi tshamile hi ndlela *leyi*; swileriso a swi ri kona kwalahaya, na yona milawu ya swileriso a yi ri eminkwameni etlhelo ka areka. Loko munhu a ngata lahwani, a oswile; a khizama ehansi lahwani a kuma leswi nawu wu swi vulaka leswaku, “a khandliwi.” Va n’wi humesela ehandle kutani va n’wi khandla. Kwalaho hilaha nawu a wu ri xiswona eka xileriso.

²⁸² Sweswi va vile na tindlela timbirhi to swi tiva. Minkarhi hinkwayo ku na tinharhu, tani hi ku tiyisisa. Va vile na ndlela yin’wana yo switiva, kutani yaleyo yi hi muprefeta kumbe hi mulorhi. I vangani va swi tivaka sweswo? “Loko kuri na un’wana exikarhi ka n’wina loyi a nga wa ximoya, kumbe muprefeta, Mina Hosi ndzi ta ti endla ndzi Ti tivisa eka yena hi milorho, ni ku vulavula na yena hi swivono.” Sweswo hi swona. Sweswi, a ri xiprofeti.

²⁸³ Sweswi, loko munhu a ta, a ku, “Oho, haleluya, ndzi na swona! Ndzi le ku profeteni sweswi hi Vito ra Hosi. Ndzi na nhlavutelo.” A va swi pfumelelanga swi famba hi ndlela yaleyo, tani hi leswi n’wina vanhu mi swi endlaka. Va kamberiwile sweswo hi Xikwembu, ku sungula.

²⁸⁴ Sweswi, eka xisirhelelo xa Aroni a vari na leswi va swi vitanaka Urim na Thumim. I vangani lava va nga tshama va twa rito lero? Xana a kuri yini? A kuri maribye ya khume mbirhi, ntsevu eka tlhelo lerin’wana, ra vapatriarka va khume mbirhi; jasper, Yuda, na kuya emahlweni, na kuya ehansi, maribye ya khume mbirhi. Kutani va tekile muprefeta loyi, kumbe mulorhi, kutani va n’wi hakarhisa xisirhelelo lexi a xifuvani, kutani va n’wi yimisa lahaya. Hiloko va ku, “Sweswi profeta kutani u vula vuprefeta bya wena.”

“Hosi yi vulavurile na mina yi vula leswi—na leswi.”

²⁸⁵ A swi na mhaka ni leswaku a swi languteka swi ri ntiyiso njhani, a swi twakala ntsena tani hiloko swi ri ntiyiso lowu hetisekeke; kambe loko mavoni ya vona ma nga hlangani kun’we ma endla minhlovo ya kwangulantilo kwalaho, ku nga Urim Thumim, mavoni ya vona ma nga hlangani ku endla xirhendzevutani, ku tirha ka leswi swi nga riki swa

ntumbuluko, ku tiyisisa. Wa vona, Xikwembu xi tiyisisa Rito ra Xona minkarhi hinkwayo. Wa vona? Kutani mavoni yalawo lawa ya nga ehandle ka ntumbuluko a ma nga rhurhumeli lahaya, kutani a ndzi na mhaka leswaku ma languteka ya ri ya ntiyiso njhani, a swi hoxekile.

²⁸⁶ Loko mulorhi a ku, “Ndzi lorhile norho, kutani norho lowu wu ri, leswaku, ‘Israel ri ta rhurha ri ya endhawini yin’wana, hikuva Vasiriya va le kuteni hi tlheloi leri va hlengaletanile.’” Vatekile mulorhi loyi va n’wi yisa lahaya; u hlamuserile norho wa yena. Loko mavoni ya vona ya nga rhurhumeli ku tsemekanya hi lahaya, a hoxile, a swi na mhaka leswaku . . . Loko Vasiriya va tshamile va ti lulamiserile nyimpi halahaya, a hoxile. Ee, nkulukumba. Vona, hi ku hetiseka, swifanele ku khorwisa hi Urim Thumim.

²⁸⁷ Sweswi un’wana na un’wana wa switiva leswaku vuprista bya khale byi hundzile, byi hundzile, na Urim Thumim yi hundzile na byona. Ha switiva sweswo, a hi switivi xana? [Nhlengeletano yi ku, “Amen.”—Muhler.]

²⁸⁸ Kutani vuprista lebyi ntshwa byi nghenile. Yini? Xana ha ha ri na yona Urim Thumim namuntlha xana? Ina, nkulukumba. Rito ra Xikwembu! Ina, nkulukumba. Leyi hi yona. Loko munhu un’wana na un’wana a ri na muxaka wun’wana wa nhlavutelo, kumbe a vulavula swin’wana, kumbe dyondzo yin’wana leyi nga fa . . . yi nga fambelaniki na Bibele leyi, eka Matsalwa hinkwawo, u hoxile. A ndzi na mhaka na leswaku u le ka dinominexini yihi, na leswaku u kahle ku fika kwihi, u tlharihe njhani, u dyondzeke njhani; u hoxile.

²⁸⁹ Kutani loko munhu un’wana a ku byela swilo leswi, leswi hi swi dyondziseke lahwani ekerekeni sweswi, kutani a mi byela, leswaku, “Loko u haxiwa hi mati, swi kahle,” u ku byerile vunwa. Sweswo swi ngaka swi nga hatimi eka Urim Thumim. Loko aku byela, leswaku, “Ku cheriwa hi mati swi kahle,” u ku byerile vunwa. A ku byela leswaku, “Ku khuvuriwa hi vito ra ‘Tatana, N’wana, Moya lowo Kwetsima,’ swi kahle,” u ku byerile vunwa. Loko a ku byela leswaku, “Masiku ya masingita ya hundzile,” u ku byerile vunwa. Loko a ku byela, “Leswaku swi kahle eka vavasati ku chumayela,” u ku byerile vunwa. Loko a ku byela, “Leswaku swi kahle loko wena u ya emahlweni na ku tshama eka dinominexini ya wena,” u ku byerile vunwa. A swi nga hatimi eka Urim Thumim. Kutani madozene ya swilo leswi humaka, eka xikoxa xexo xa “MANANA WA SWIOSWI,” kutani swi enhlela ehansi lahaya, kutani sweswo hi swona swi endlaka leswaku hi fambela ekule na dinominexini.

²⁹⁰ Ha va rhandza vamakwerhu na vasesi wa hina eka tikereke leti ta mavito. Kambe a wu yi, u ya ku, “Ndzi Mumethodist,” u tiendla Mukreste, eka mina. U Mukreste hikuva u velekiwile hi

Moya wa Xikwembu. A wu fanelanga kuva Mumethodist kumbe Mubaptist. A wu fanelanga kuva hambi kuri xin'we xa swona. Ntsena u fanele ku tswariwa hi Moya wa Xikwembu. Ma swi pfumela xana? [Nhlengeletano yi ku, "Amen."—Muhleri.]

²⁹¹ Ehenhleni ka masungulo lawa, loko un'wana na un'wana loyi a nga lahwani a lava ku tixaxameta na ku ta eka xinakulobye lexi xa ku gandzela, nakona a lava ku—a lava ku petiwa, a khuvuriwa hi Vito ra Yesu Kreste, hi lexi xi dziva. Va ta khuvula, ku nga ri khale.

²⁹² Loko ku ri na van'wana, votala lahwani, un'wana na un'wana loyi a lavaka ku ta, hi ndlela yin'wana? Hi kona lahwani. Sweswo hi swona.

²⁹³ Sweswi, hina—hina a hi na vuxirho byin'wana; ntsena wo ta ekerekeni ya leyi. Hi pfumela leswaku Kreste u le ka kereke ya Methodist, kereke ya Baptist, kereke ya Presbyterian. U na swirho eka yin'wana na yin'wana ya tona. Kutani ku kayivela yini, namuntlha; i vuprofeta bya mavunwa lebyi byi humeselaka swilo esweli ehandle, madyondziselo ya tikereke leti, leti ha kunene ti hambanaka na Bibele.

²⁹⁴ Sweswi, loko un'wana a swi veka kahle Sweswo erivaleni eka mina, hakunene ndzi nga ti kuma hi vumina... Ndzi pfumela leswaku kuna Moya lowo ringanelia wa Xikwembu eka mina, ku lavisisa Bibele yaleyo kutani ndzi ta ndzi ta swi lulamisa. Loko ntsena ndzi nga ya ndzi ya tlhavulana na muchumayeri, ni ku tsarisa vito ra mina ebukwini, kambe ndza ha ri na rivengo na lunya embilwini ya mina, ndza ha ri na vuntswaka na dzolonga, nakona ndzi nga pfumeli eka Yesu Kreste leswaku i muhanyisi lonkulu, na kuya emahlweni tani hi sweswo, ndzi ta ya ndzi ya kuma ku lulamisiwa hi Xikwembu, hi xihatla. Ndza pfumela leswaku ndzi ta swi endla. Ndzi—ndzi tava la tshembhekaka eka swona. Ndzi taya ndzi ya lulama na Xikwembu. Loko ndza ha nembelela ntsena hikuva ndzi ri Mubaptist kumbe Mumethodist, ndzi ta rhelela ndzi ya kuma Vukreste embilwini ya mina. Ndzi ta swi endla. Ina, nkulukumba.

²⁹⁵ Sweswi tsundzukani mpfuxelelo lowu wu taka, lowu wu nga ta sungula, hi ku rhandza ka Hosi, madyambu ya Wavunharhu walowu wu taka. Wu le henhleni ka masungulo ya lawa.

²⁹⁶ Yingisani, vanghana, kuna Xikwembu xa ntiyiso lexi hanyaka. Sweswo hi swona. Yesu Kreste i N'wana wa Xikwembu. Moya lowo Kwetsima wu le Kerekeni namuntlha.

²⁹⁷ Sweswi, loko ndzi nga twa un'wana a ndzi byela sweswo, ndzi tava na nfanelo ya ku swi kanakana. Kambe, yingisani. Siku rin'wana halahaya, tani hi xifanyetana, a ndzi yimile ehansi ka nsinya; kutani ndzi N'wi vonile. Ndzi N'wi twile. U ndzi byerile, a ku, "Fambela ekule na vavasati lava nyameke. Fambela ekule

na mafole. Fambela ekule na ku rhukana, ku nwa, na hinkwaswo swilo leswi. Ndzi na ntirho eka wena lowu u nga ta wu tirha loko u tava u kurile.” Ndza switiva leswaku i Xa ntiyiso, Xikwembu lexi hanyaka lexi xi xaxamelaka na Rito ra Xona.

²⁹⁸ Loko ndzi kurile nyana, hilaha Xi nga hlangana na mina ha kona, hilaha Xi nga vulavula na mina ha kona! Hilaha ndzi Xi voneke ha kona halahaya, tani hi xihlahla lexi pfurhaka, na Ndzilo walowo a wu famba-famba halahaya! Hilaha ndzi nga Xi vonisa xiswona loko xi vulavula xi vula leswi nga ta humelela; kutani, nkarhi hinkwawo, a ba laha ku hetisekeke tani hilaha swi nga tava xiswona, ku hetiseka tani hi sweswo.

²⁹⁹ Un’wana Loyi a fanaka na loyi a vulaka swilo leswi hetisekeke tani hi sweswo, wa ha ri ya Luya A nga ni hloholotku dyondzisa Bibele ntsena hi ndlela leyi ndzi Yi dyondzisaka ha yona sweswi. Sweswo hi swona. Swingaleswi, Yi huma eka Xikwembu. Eka mina, i Xikwembu xa Matimba hinkwawo, kutani wa ha ri Yena tolo, namuntlha, ni hilaha ku nga heriki.

³⁰⁰ Yesu u teri, “Ndzi huma eka Tatana, kutani Ndzi tlhelela eka Tatana.” Loko Yena a ta ta . . .

³⁰¹ Loko A ri Xikwembu emananga, A ri Rivoni leri pfurhaka. Kutani i vangani va swi tivaka sweswo? [Nhlengeletano yi ku, “Amen.”—Muhleri.] Kutani A ri Rivoni leri pfurhaka, Langavi ra Ndzilo.

³⁰² Kutani U tile lahawani emisaveni, kutani A ku, “Ndzi huma eka Tatana, kutani Ndzi ya . . . Ndzi huma eka Xikwembu, nakona Ndzi tlhelela eka Xikwembu.”

³⁰³ Loko A fa, a lahliwa, a pfuka nakambe, kutani Paul eka rendzo ra yena ro ya eDamaska a hlangana na Yena nakambe, xana Yena a ri yini? [Un’wana a ku, “Langavi ra Ndzilo.”—Muhleri.] Wa hari Langavi ra Ndzilo na sweswi. Ina, nkulukumba.

³⁰⁴ Xana U endlile yini loko Yena a ha ri lahawani emisaveni? Xana U endlile yini loko A tava a hlanganile na Paul? Xana U n’wi rhume njhani? U n’wi rhumele eka muprofeta loyi a nga ta n’wi byela leswaku u ta khuvuriwa njhani, a n’wi byela leswi a nga ta swi endla; a n’wi tlhandleka mavoko a n’wi hanyisa, a n’wi byela leswaku u vonile xivono.

³⁰⁵ Yesu yaloye a fanaka u kona kwalahawani namuntlha, u le ku endleni ka sweswiya, nakona wa ha ri Langavi ra Ndzilo, u le ku dyondziseni ka sweswiya, niku swi tiyisisa hi Rito ra Yena, na hi masingita na swihlamariso. Ndzi tsake ngopfu kuva Mukreste, a ndzi switivi leswi ndzi nga swi endlaka. Ndzi tsakile hikokwalaho ka kuva mi ri Vakreste.

³⁰⁶ Kutani n’wina, lahawani tabernakeleni, ndzi mi byerile leswaku hi ya eku nciceni ka vito leri. A yi sasekanga kuva

yi vitaniwa Branham Tabernakele. Hikuva yaloye o va munhu ntsena, wa vona. Hi ya eku ri nciceni vito ra yona, hi thya vito rin'wana. Hi ta nghena eka sweswo, endzhaku nyana. Ntsena ndzi yi lava yi va—va kereke ya Xikwembu lexi hanyaka. A ndzi yi lavi yi va Methodist, Baptist, Presbyterian, Pentekostal. Mina . . .

³⁰⁷ Hinkwavo vanhu lava, ndzi va rhandza hi mbilu ya mina hinkwayo. A ndzi tivi leswaku mani i mani. A ndzi nge mi byeli. Ntsena ndzi fanele ku chumayela Rito. Ndzi hoxela ritavala ndzi tlhela ndzi ri koka. Ku na swidula, kutani ku va na mapuma yale matini, kuva na tinyoka, kuva na tinhlampfi nyana, na tona. Sweswo swile ka Xikwembu ku swi kunguhata sweswo. Ntsena ndzi humesa ritavala, ntsena ndzi chumayela Rito ndzi tlhela ndzi ri nghanisa, kutani ndzi ku, "Hi lava, Hosi, hinkwavo ku rhendzeleka hi altari. U tiva va Wena; U va tivile ku ngasi va na masungulo. A ndzi switivi leswaku mani i mani. Wena wa switiva, swingaleswi swi le ka Wena, Hosi. Sweswo hi leswi swi antswaka ndzi nga swi endlaka. Ndzi ta famba hinkwako lahawani ndzi kukuta sweswi, kutani ndzi kuma ntlawa wun'wana leswaku wu nghena. Sweswo hi swona hinkwaswo ndzi nga swi endlaka." Hi swona.

Oho, ndzi twa ndzi lava ku ya emahlweni,
Ndzi twa ndzi lava ku ya emahlweni;
Kaya ra mina ra le Tilweni ra vangama ni ku
saseka,
Kutani ndzi twa ndzi lava ku ya emahlweni.

³⁰⁸ Sweswi tsundzukani, un'wana na un'wana loyi a lavaka leswaku hi vonana, ntsena foyinela Nkul. Mercier lahawani: BUTler 2-1519. [Nambara ya riqingho yi ncicile.—Muhleri.] Hi ta tsaka ku mi vona. Loko va rhandziwa va n'wina va nghena, vafanele ku hatlisa hi nkarhi wa mpfuxelelo . . . Sweswi ndza famba, kusukela yusiku lebyi, ku ya eka vumina, nakona ndzi ta famba masiku mambirhi sweswi, ku ya eka vumina.

³⁰⁹ Ntsena ndzi ya nghena lahaya ndzi hlaya, tani hi leswi, "Hosi, U le kusuhi na mina. Ndza switiva leswaku U lahawani. Kutani Rito ra Wena ri teri U tava ekusuhi na vona lava va titshunetaka eka Wena." Ndzi tshamela ro khongela niku langutela ku fikela laha ndzi vonaka Langavi ra Ndzilo ri sungula ku famba. Ndza switiva ri tilulamiserile sweswi. Kutani ndzi famba eka platifomo eka xikhongelo xa vavabyi, ku va khongeleta, na leswi ndzi nga swi endlaka ku pfuna vavabyi na lava va xanisekaka.

³¹⁰ Ha byi ndunduzela vunene bya n'wina sweswi. Kutani loko mi ta, mi ta miri karhi mi pfumela, kutani hi langutele nhlengeletano leyikulu. Ndzi lava ku vula leswaku . . .

³¹¹ Makwerhu Jeffries, xana u kona lahawani yusiku lebyi xana? Hi lava ku ndunduzela Makwerhu Jeffries na ntirho wa yena. Ndza pfumela leswaku u tlhelele eswihlaleni, na swin'wana.

³¹² Hi tsakela ku vona Buti na Sesi Wright, na vanhu van'wana votala va n'wina lahawani.

³¹³ Kutani ndzi vonile qweta Robertson lahawani, ku ngari khale ngopfu, u nghanile ku ngari khale ngopfu. Ndzi lava ku n'wi khoma hi xandla eka–eka hungu ra yena leri a ri na rona siku rin'wana. Ku hava loyi avuleke leswi a ri ri xiswona. Sweswo swi khomisa tingana. A ri na hungu ra ntiyiso hi vuprofeta, swin'wana swo fana ni leswi a ndzi ri eku chumayeleni hi swona vusiku lebyi.

³¹⁴ Kutani, swingaleswi, a kuri na mufundhisu un'wana lahawani mixo lowu, kumbe madyambu ya tolo, Makwerhu Smith, wo huma eka kereke ya Methodist...kumbe wo huma eka Church of God, kona kwalahawani. A ndzi tivi loko a ri kona lahawani madyambu lawa, kumbe a ngari kona. Loko u tshame u yima eka phulphiti kutani u languta endzhaku hi ndlela yaleyo, i muxaka wun'wana wo nonohwa ku swi vula; swo va arivaleni, ma swi vona, nakona a mi nga swi vuli. Loko u ri lahawani, Makwerhu Smith, ha ku amukela.

³¹⁵ Kutani a hi yena loyi, loyi a nga tshama lahawani, makwerhu loyi lontsongo loyi a humaka eGeorgia, endzhaku lahawani a nga tshama ekusuhi na Makwerhu Collins? [Makwerhu Neville a ku, “Ina.”—Muhler.] Hi tsakile ku ku vona lahawani nakambe vusiku lebyi, makwerhu.

³¹⁶ Na hikwenu ka n'wina, hinkwenu ka n'wina, un'wana na un'wana wa ti tiva leswaku hi yena mani.

³¹⁷ Ndza pfumela leswaku loyi i sesi na buti lahawani lava yeke va ya khongeleta nhwana nkarhi luwa, kona kwalahawani, dokodela u tshamile etlhelo endzhaku lahawani etlhelo. Hosi a yi ku katekisi, dokodela.

³¹⁸ Sweswi, ndza kombela mi nga ndzi heleli mbilu, n'wina vafundhisu na vamakwerhu, hikuva hi ndlela leyi ndzi swi fambisaka xiswona leswi tani hi ta tikisa tani hilaha ndzi swikotisaka xiswona. Leyi i tabernakele ya hina. Hi leswi hi swi yimelaka, kutani hi lava ku Swi veka hi Rito lero, ni kuva ninginisa hi Rona. Kutani, loko u tshame u huma endleleni, hi ta tlhelela enhzaku hi ku, “Mi swi tivile ku antswa. Lahawani Swi le ka thepi.” Wa vona? Kwalaho mi nga kona. “Leswi Swi le ka thepi.”

³¹⁹ Hi na swin'wana swo tala kutlula ku ya kwalahaya, Leo. Kambe, kambe hina... Mi kumile sweswo swotala. Mi tshama mi lulama na Rona, kutani hi ta kuma hinkwaro ka Rona ku ngari khale. Tani hilaha wanuna a ri xiswona, a ri eku dyeni ka kalavatla, a ku, “Sweswo swi lulamile hi ntuyiso, kambe ka ha ri na swin'wana swo tala swa swona.” Swingaleswi hi na swo tala swa Rona, hambi swi ritano, swi le kuteni.

³²⁰ Hosi a yi mi katekisi, swinene hakunene. Loko ha ha... Ku ya va na ntirho wo khuvula sweswi. A hi swona sweswo,

Makwerhu Neville? [Makwerhu Neville a ku, "Ina, ndzi pfumela tano."—Muhleri.] Ku na un'wana lahayani a lavaka ku khuvuriwa sweswi? Hina a hi na mhaka na leswaku hi wena mani; hi—hi lahayani ku ta khuvula. Yimisani mavoko ya n'wina, lava lavaka ku khuvuriwa. Un'wana, ndza pfumela leswaku i... Hi loyi wansati lahayani. Kutani ku na un'wana a nga sala? Sweswi, hi na mpahla lahayani ya vavanuna na vavasati.

³²¹ Sweswi, a hi ri, "Tshikani kereke ya Baptist. Tshikani kereke ya Methodist." Hina a hi vuli swona. N'wina tlhelelani eka tikereke ta n'wina. Kambe loko u nga khuvuriwanga kuya hi Matsalwa, hi Vito ra Hosi Yesu... Ku ngari hi Vito ra "Yesu" ntsena, sweswi. Hi Vito ra "Hosi Yesu Kreste," yalawa i Matsalwa. Mi khuvuriwile hi nkhuvulo wo hoxeka.

³²² A ndzi lavi ku karhatiwa loko ndzi fika enambyeni. Ndzi lava xin'wana na xin'wana xi va erivaleni tani hilaha ndzi tivaka ha kona, loko ndzi tava ndzi khomelerile thikhithi lero, wa vona, hikuva ndzi ta lava ku va ebyatsweni hi nkarhi walowo. Ndzi mi tsundzuxa ku endla swo fana.

³²³ Tlhelelani endzhaku eka kereke ya n'wina. Sweswo swi le ka wena, swile ka wena na Xikwembu. Sweswo hi swona hinkwaswo ka swona ndzi nga mi byelaka swona.

³²⁴ Kambe ku hava na un've eMatsalweni loyi a nga tshama a khuvula hi ndlela yin'wana handle ka Vito ra "Hosi Yesu Kreste." Kutani lava va khuvuriweke, va lerisiwile hi Mukwetsimi Paul, loyi a nga teri, "Loko Ntsumi yi nga chumayela swin'wana, a yivi ndzhukano." Va lerisiwile leswaku vata va ta tlhela va khuvuriwa, nakambe, hi Vito ra "Hosi Yesu Kreste." Sweswo hi swona. Kutani u swi endlike. Kutani leswi a swi endlike, u hi lerisile ku swi endla; kutani sweswo hi leswi hi nga ta swi endla, hi ku rhandza ka Xikwembu.

Hi pfumela eka ku hlambisana minkondzo. Hi pfumela eka xilalelo.

³²⁵ Hi pfumela eka ku Vuya ka Kreste ra vumbirhi, leswi vonakaka, miri lowu wu xanisiwaka wa Hosi; ku ngari Moya, kambe hi miri lowu xanisiwaka wa Hosi Yesu lowu wu vuyaka nakambe eku kwetsimeni.

³²⁶ Hi pfumela eka ku pfuxiwa ka mimiri ya ntumbuluko ya vafi, ku amukela miri, ku ngari wa khale ni ku khonyana tani hiloko hi ya esirheni; kambe leyi ntshwa, hi tsaka hi ri eka xiyimo xa vuntshwa, ku hanya hilaha ku nga heriki.

³²⁷ Hi pfumela eka moyo lowu nga fiki, hakunene-nene. Hi pfumela leswaku ku na xivumbeko xin've xa Vutomi lebyi nga Heriki, kutani byebyo i Vutomi lebyi hi byi kumaka eka Kreste Yesu. Sweswo hi swona swi nga swona.

³²⁸ Swingaleswi, a hi pfumeli eka ku xupuriwa loku ku nga Heriki. Hi pfumela eka ndzilo wa tihele, xivavula lexi xi

pfurhaka, kambe a hi pfumeli leswaku ti pfurha hilaha ku nga heriki; loko swi ri tano, swivula leswaku mi na Vutomi lebyi nga Heriki. Ku na byin'we ntsena Vutomi lebyi nga Heriki; Lebyi byi humaka eka Xikwembu. Kutani byebyo hi byona. Mi ta tshwa, kumbexani miliyoni wa malembe, khume ra ma miliyoni ya malembe, a ndzi switivi, kambe mi ngaka mi ngavi na Vutomi lebyi nga Heriki. A mi nga tshwi hilaha ku nga heriki... Mi nga ha tshwela makumu, kambe ku ngari hilaha ku nga Heriki. Wa vona, kuna ku hambana exikarhi ka lexi nga Heriki na makumu. *Makumu* i makumu na makumu, rihlanganisi, swivula “mpfhuka wa nkarhi.” Kambe, lexi nga Heriki, a mi na ku xupuriwa loku nga Heriki.

³²⁹ Mi na Vutomi lebyi nga Heriki, hikuva kuna xivumbeko xin'we ntsena xa Vutomi lebyi nga Heriki. Kutani loyi a nga na Vutomi lebyi nga Heriki, u ta hanya a va loyi a katekisiweke hi Xikwembu hilaha ku nga heriki.

³³⁰ “Kambe moyo lowu dyoheke, moyo walowo wu ta...” Yini? [Nhlengeletano yi ku, “...wu ta fa.”—Muhleri.] Sweswo hi swona. Swingaleswi, a wu na Vutomi lebyi nga Heriki. Hakunene-nene. Wu ta—wu tava na ku xupuriwa ka wona, kambe ku ngari Vutomi lebyi nga Heriki.

³³¹ Swingaleswi, ma swi vona, kuna swotala leswi swi faneleke ku dyondzisiwa, hi ta nghena eka swona endzhaku. Hosi a yi mi katekisi.

³³² Sweswi a hi yimbeleleni risimu leri ra kahle ra khale, loko sesi wa hina a ha ri ekuyeni lahaya. Ndza pfumela leswaku manana loyi lahawani a nga ha...

³³³ Rosella, xana yaloye i mana wa wena? [Sesi Rosella a ku, “Ina.”—Muhleri.] Hikokwalaho ka yini, a ku katekisiwi mbilu ya wena! Ndzi tsakile ku ku vona, sesi, eka ku endla sweswo. Sweswo swi kahle ngopfu.

³³⁴ Rosella Griffin, un'wana wa vanghana lavantsongo lava hi ngava na vona. I wansati lontsongo loyi a ri xinwi; eka van'wana va n'wina vanhu lava mi nga lahawani, mi nga hava mi ri valuveri. Rosella a nga na mhaka na mina loko ndzi vula leswi. Loko a ta eka platifomo e—e laha... ehenhla lahawani eIndiana. Mi tshame mi vona munhu wo biha, a ri un'wana wa vona, wa xikandza xa xihoko. Laha, madokodela lamakulu ya mune yale Chicago ya nge teri i... Swihoko leswi nga Tivikiki, na swin'wana, va n'wi tshikile. Kambe madyambu man'wana loko a ta exikhongelweni, Moya lowo Kwetsima a wu pfilunganyanga vutomi bya yena ni ku n'wi byeleta kwalaho. Sweswo swi swi tshamisisa.

³³⁵ N'wi languteni sweswi, ndza vhumbha, swin'wana swa makume nharhu wa malembe na swin'wana hi vukhale, u hundzile eka khume nhungu; la rhandzekaka, wansati lontsongo wo saseka. A nga ha yi ringanga thothotho

kusukela kwalaho; a nga ha yi naveli. U hanyela Kreste, u famba eswitarateni, hinkwako, a ri karhi a mbhonyela ku kwetsima ka Xikwembu, eka swidyohi na swidakwa, hinkwavo emintileni ya lava va nga hetisekangiki, na swin'wana, u famba hi Chicago, ku endlela Hosi swin'wana.

³³⁶ U khuvuriwile hi Vito ra Hosi Yesu, na manana wa yena wa ta madyambu lawa ku ta endla tano; loko Xikwembu xi nga n'wi horisa, loko Yesu a nga n'wi horisa... “Xin'wana na xin'wana lexi mi xi endlaka hi rito kumbe hi ku endla, swi endle hinkwaswo hi Vito ra...” [Nhlengeletano yi ku, “Yesu Kreste.”—Muhleri] Sweswo hi leswi Bibele yi nga swi vula. Hi swona sweswo.

³³⁷ Hinkwaswo swi kahle, sweswi hi ya va na ntirho wa ku khuvula. Hi ya eku hundzuluxeleni ka mavoni ntsena timinetse titsongo loko ha ha lunghisela xikhongelo, ku ta khuvula, nakona—nakona hi ta langutela nkarhi wa kahle eHosini.

³³⁸ Mi ya eku ngheneleleni eka xikhongelo xa nkhuvelo madyambu lawa xana? Swi kahle, swa antswa—swa antswa mi ti lunghisela. Kutani ndzi ta sungula, ndzi ta suma tinsimu na swin'wana loko hi kongomile emahlweni kwalahaya. Loko va ha endla... [Makwerhu Neville a ku, “Xana va na mpahla yin'wana endzhaku lahwani, Doc?”—Muhleri.] Mpanhla ya nkhuvelo, Doc, hi xihatla. Hi swona.

³³⁹ A hi yimbeleleni rin'wana ra leti ta khale... [Makwerhu Branham a rhangela emahlweni nhlengeletano hi ku yimbelela, loko Makwerhu Neville a ri eku khuvuleni ka sesi—Muhleri.]

³⁴⁰ [Xivati lexi nga riki na nchumu eka thepi—Muhleri.] Ku fikela loko hi endla sweswo, tani hiloko hi famba, hi fanele hi endla yini?

A hi tekeni Vito ra Yesu ri va na hina,
U wela emikondzweni ya Yena hi ku karhala,
Hosi ya Tihosi eTilweni, hi ta N'wi ambexa
hari,
Loko rendzo ra hina ri hetisekile.

Hi swona, a hi yimeni hi mikondzo ya hina!

Teka Vito ra Yesu u va na rona,
N'wana wa tingana na wa khombo;
Ri ta mi nyika ntsako na ku chaveleleka...

³⁴¹ Ndzi ta mi byela leswi mi nga ta swi endla. Hundzulukani mi tlhavulana na un'wana kwalaho, mi ku, “U pfuke njhani, makwerhu? Ndzi tsake ngopfu kuva ehlengeletanwini na wena.”

Vito ro hlawuleka, Oho ri nandzika njhani!
... na ntsako wa Tilo;
Vito ro hlawuleka, Vito ro hlawuleka, Oho... .



MBEWU YA NYOKA TSO58-0928E
(The Serpent's Seed)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto na madyambu, Ndzhati 28, 1958, eBranham Tabernakele eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org